

Julai - September 2017

AMANG'ANA Y'OBOBANI AMAYIA Bw'Ebibilia

www.ccog.org



Tel Dan Stela

(Ekarine ya kianda BC)

**Ning'o omosaria bw'amachiko
ase 2 Abathesaloniki?**

Abatigari ba filadelfia:

Onsi ngoetera ase obwanchani:

AMANG'ANA AMAYIA Y'OBOBANI BW'EBIBILIA

EKERENGA KERE ASE AMANG'ANA AYA:

- 2 Korwa ase omoriki: Bionsi ngoetera ase obwanchani.** Nonya ebinto bionsi bire ebi'eng'encho enene titobaisa kweba ng'a Ebibilia yonsi nigo egokwanera igoro y'obwanchani.
- 7 Omosaria bw'amachiko Ning'o?** Inee ne engiti yeritang'ani gose ne ya kabere ase okomaano 13?
- 14 Amachiko ikomi na Omosaria BW'amachiko.** Inee, omosaria oyo bw'amachiko nigo agosaria amachiko onsi ikomi?
- 19 Omoyega bw'ebirori nomanyete amange igoro y'erituko eri rinene?**
- 21 Kweorokereria Ebibilia: Eleseni 12b. Koenekia omogano bw'Ebibilia.** Emegano yaetire nigo ekworokia ng'a Ebibilia nigo ere ey'ekeene.
- 26 Inee, Nyasae ngokorangeria are?** Naki oranyare gokwanera ayio?

Ekaratasi y'omoerio nigo ebwate Internet na Eredio. Nigo ekoorokia aase abanto baranyare konyora korwa amang'ana aito y'ekanisa Egendererete ya Nyasae.

Ase ekaratasi y'eritang'ani: Chibicha echio nigo chiaro setigwe korwa ase rigena riaTel Dan na Oren Rozen Tel Dan Stela. Boigo nigo chienekirie ng'a nigo chire ne chinguru isiko y'Ebibilia, ya Daudi omoruoti o Israeli. Amariko ayio are amarabu arikire ase Ekeramaiki [eyio egwekaine Foiniki] Buna egoteba enyomba ya Daudi.

Amang'ana amayia y'obobani nigo akorikwa na Ekanisa Egendererete ya Nyasae. 1036 W. Grand Avenue, Grover Beach, CA 93433 <http://www.ccog.org>

Copyright 2017. Ekanisa egendererete ya Nyasae [ccog]. Nigo aroseirie ime ya Amerika. Amachiko na amarago onsi nigo aikeranirie

Koyarika gose goonchora nonya nake onye tobwati riuko rikogwanchera gokora boigo korwa ase omonyene nigo ere mamincha ne richiko. Ntosigete obobisi bwao, ase ayio amagasini aya tari koonigwa, gokorerwa obonhoreria ase ogotomwa. Onye toganetie

konyora amaorokererio aya eyemo ase eyemo kwana na afisi yaito Grover Beach. Ebibungo bionsi nigo birusirie korwa ase New King James Version, Thomas Nelson Inc. Abariki aba nigo babwate ogwancherwa korwa ase ekarine ya 20. Amariko ande nigo arwete korwa ase KJV buna akwera aiga buya.

Amang'ana amayia y'obobani bw'ebibilia nigo akonyorekana goetera ase okorwa kwaino.

Omoriki omonene: Bob Thiel

Omokonyi: Joyce Thiel

Omororingori Omonene: Yohana Hickey SBC

Omokonyi: Shirley Gestro.

Omoonchori gocha Ekegusii: Pr. Ezekiel Ombaso Oanda.

Omororingori: Joseph Matongo Ombaso.



ABATIGARI BA FILADELFIA: ONSI NASE OBWANCHANI.

Abatigari ba Filadelfia ninki keria kere ase bare? Mbaria barengereretie ng'a nigo babwatete amachiko onsi?

Ime yechinsa 25, chiogochaka Ekanisa egendererete ya Nyasae, nigo narigete na goteba iga: Onsi nanyarekane ase obwanchani enchera y'obogima bw'okorwa.

Amachiko boigo nigo are amaya [cf Yohana 14:15, Matayo 23:23] nkereki kere eki'engengo enene?

Koreng'ana na Yeso, abatomwa na Herbert Armstrong, na Ekanisa egendererete ya Nyasae, Obwanchani nabwo bore obw'engengo enene mono. Emeroberio yonsi ya Nyasae nigo egokorekana ase obwanchani.

Rora aya Yeso aborete:

16. Naki Nyasae ayianchete ense, goika akomorwa omwana oye omomoima, erinde monto onde bwensi oyomwengenire tasira, korende abe nobogima bwa kare na kare.

17. Naki Nyasae tatomete omwana oye ase ense agambie ense, Korende ense etoorigwe nere [Yohana 3:16-17].

Korende tari Nyasae bweka ogwenerete gwancha.

Rora aya Mariko akorika:

28. Oyomo ase aborokia ba amariko agacha akabaigwa bakoamererania nere, Akamanya ng'a obairaneirie buya, akamoboria, "Ase amachiko onsi ndiriri rire rie ritang'ani?

29. Yeso akamoiraneria, "Erie ritang'ani nario eri: Igwa, Abaisraeli, Omonene Nyasae oito, Omonene noyomo.

30. naye mwanche omonene Nyasae oo nenkoro yao yonsi, na omoyo oo bwonsi, na obong'aoni bwao bwonsi, ne chinguru chiao chionsi.

31. Na ogwa kabere nakwo oko: "Mwanche omogisangio oo buna bweanchete". Amachiko

ande tari amanene kobua aya."

32. Omworokia oria bw'amachiko akamotebia," Ekeene omworokia gwatebire buya ng'a Nyasae noyomo, na onde tari otatiga ere.

33. na komwancha nenkoro yao yonsi, na okomanya gwonsi, ne chinguru chionsi na gwancha omogisangio oo buna bweanchete nkogwenerete kobua omosango bw'ebing'wanso bi'ogosambwa na ebingw'anso binde"

34. Yeso agachia korora ng'a nigo airanerie ase obong'aini, akamotebia, "Aye tori are korwa ase oboruoti bwa Nyasae" Korwa erio monto onde tanyara komoboria ring'ana rinde [Mariko 12:28-34]

Obwanchani nigo bore obw'engengo enene buna koreng'ana bokoorkigwa ase ebitabu ebinge bi'okobwatana okoyia. Rora omotomwa Paulo buna akobora:

13. Gaki bono biatigaire okwegena, na ogosemeria, na obwanchani, aya atato erire rinene ase aya nobwanchani [1 Abankorinto 13:13]

Rora amang'ana ande arikire na omotomwa Yohana:

7. Abanchani twanchane, ekiagera obwanchani nigo bokorwa ase Nyasae, kera oyobwanchire oiboirwe na Nyasae; naende namomanyete Nyasae.

8. Oyotancheti, tamomanyeti Nyasae, ekiagera Nyasae nobwanchani,

9. Ase eri obwanchani bwa Nyasae bwarorekanire asetore, Nyasae otomire omwana oye omomoima ase ense, erinde tonyore obogima asare.

10. Obo nabwo obwanchani, tari ng'a nintwe twamwanchete Nyasae, korende nere otwanchete intwe, agatoma omwana oye koba ekeng'wanso gi'okobwatania ase ebibe biaito.

11. Abanchani, onye Nyasae otwanchete igo, netogwenerete naintwe gwanchana intwe ase intwe.
12. Monto onde tari ororire Nyasae kero kende gionsi, Gatoranchane intwe ase intwe, Nyasae nigo amenyete ime asetore, na obwanchani bwaye bwaikeranigwe ime yaito.
13. Ase eri twamanyire ng'a ntomenyete ime asare, nere ime asetore. Ere otoire omoika oye,
14. Na intwe twarorire, naende twabeire birori ng'a ise otomire omwana oye koba omotooria bw'ense.
15. Onde bwensi okoorokia ng'a Yeso n'omwana o Nyasae, Nyasae nigo amenyete ime asare, na ere ime ya Nyasae.
16. Na intwe twamanyire obwanchani obo Nyasae are naborobwo asetore, na kobwegena. Nyasae nobwanchani, na ere oyomenyete ase obwanchani nigo amenyete ime ase Nyasae, na Nyasae ime asare.
17. Ase eri obwanchani bwaikeranigwe ime yaito, erinde tobe noboremu ase rituko ri'ekina, ekiagera buna ere are, naboigo naintwe tore ase ense eye.
18. Obwanchani tibori nobwoba, korende obwanchani oboikeranu nigo bogoseria obwoba gochia isiko. Naki obwoba mbore negesusuro, na oyore nobwoba taikeraniri ase obwanchani.
19. Intwe twanchire, ekiagera ere natwanchete intwe ritang'ani.
20. Omonto karatebe; nimwanchete Nyasae" naende ogechete oyomwabo oyio nomonyaborimo. Ere oyotamwancheti oyomwabo oyio aroche, takonyara komwancha Nyasae oyio atarochi.
21. Oko nakwo ogochika twaeirwe nere: Ere oyomwanchete Nyasae anche noyomwabo boigo [1 Yohana 4:17-21].

Aya iga akobwatia nigo arikire na Herbert Armstrong ase egetabu kiaye gekorokwa *"Ebikone bia amatuko aya"*

Edini ya Nyasae y'ekeene eichire nobwanchani bwaye goetera ase omoika omochenu-Omogoko otanyare gokwaneka ase okomomanya Nyasae na Yeso Kristo- ase okomanya ekeene gionsi- na ogwoka kw'obwanchani bw'oboronge bwa NYasae.

Ne ring'ana rigakoreka koba omobere, na komenya ase egati yaito [Naende tokarora obonene, obonene buna omwana omomoima o Tata, oichire nobuya ne keene"-Naki okororekana kwa Yeso kwarenge? Nigo arenge kororekana buna mwanyabanto, ekiagera nigo arenge Omwana-O-Mwanyabanto.

Ekere eki'engenchu enene mono nembwa ya Nyasae na okobao kwaye. Naki embwa ya Nyasae ere? Onde tari oranyare komanya embwa ya Nyasae, otatiga rioka omanyire embwa yaye.

Embwa ya Nyasae na Yeso nigo ere eye ekemoika naende enchenu, nigo ere oy'oboronge naende nigo ere enyikeranu.

Embwa ya Nyasae nabo erabekwe ase obweng'e ase ring'ana erimo rikorokwa "Obwanchani" nigo boreo obonge goika ekerengo ki'ogwancha bonisi. Ne enchera y'okorwa, gokorera bonisi, gosanga, tari enchera y'okonyora"

Ne enchera etari ey'ogosanera ebinto bia abande, okogania okobe, endamwamu, oboinche, okwamererania, chisegi, obosaria, chigosori chimbe, obobisa, okwerusanania na koba nobororo.

Amachiko a Nyasae nomoika naende nigo akobekwa ase ring'ana erimo ase obweng'e rikorokwa "Obwanchani". Amachiko ikomi a Nyasae nigo abaganire ase chinsemo ibere, koba nobwanchani gochia ase Nyasae na koba nobwanchani gochia ase Omogisangio oo. Aya onsi arenta ase oboamo amachiko ikomi. Yeso nigo aorokeretie aya erinde anyare koorokia buna amachiko aya aranyare goikera kera omonto ase okomwaagacha.

Inyora iga ng'a, Oboruoti bwa Nyasae nigo bokoraagwa na amachiko aye, eyio ere enchera y'obonge bw'obwanchani, okobwaterana na koganerania amaya ase baria bakogamberwa ase oboruoti obwo.

Okoigwera amachiko onsia Nyasae [enchera yaye y'obogima] nigo akorwegwa na Nyasae goetera ase omoika oye omochenu. Korende amachiko a Nyasae nigo aganetie ogokora na koyaikerania,

na obwanchani nabwo bogoikerania amachiko aye[Abarumi 13;10]; naende nigo aranyare goikeranigwa ase obwanchani obwo bokorwa ase Nyasae [Abarumi 5:5].

Amaakwa aria Nyasae aagete Abamisiri nigo aganetie kobaonchora korwa ase emegwekano y’ogosasima eyio barenge gosasima erinde bamomanye Nyasae bw’ekeene. Ayio onsi nigo arenge gokorekana ase obwanchani gochia ase Abamisiri.

Omokristo goika akine ase obuya komanya chisemi chionsi na embwa y’obonyasae, kworokia obwanchani obonge gose koganeria abande amaya. Kobara abande ng’a nabaya kobua aye omonyene.

Amaorokererio abeene na aria ekanisa yegenete eyio ere ekanisa ya Nyasae ni igoro y’oboronge na koigwera amachiko onsi a Nyasae. Amachiko nobwanchani korende tari obwanchani bw’ekemwanyabanto.

Amaorokererio ayio naro akorenta amatunda onsi pi y’omoika, Obwanchani, omogoko, Omorembe, Oboremereria na ayande amange.

Amaorokererio y’ekanisa egendererete ya Nyasae nogotema komenyera kera ring’ana rire ime y’ebibilia enchenu.

Abanto baonchoreirie korwa enchera y’okoegwa gochia ase enchera y’okorwa eyio ere enchera ya Nyasae y’obwanchani.

Omoroberio omoyia bwango ngotuba ore ense!

Korareria ense igoro y’obwanchani obwo bogocha eyio ere enchili y’ekeene ‘obruoti.

Omotomwa Paulo nakwanete ase gete igoro y’enchili y’obuya bwa Nyasae [Ogokora kw’Abatomwa 20:24]

Boigo Paulo Narigete Iga:

1. Ninsa gokwana ase emenwa ya mwanyabanto na ey’abamalaika, onye tindi nobwanchani, nabeire buna etai gose endege ekobuga.
2. Naende ninsa koba nekeegwa gi’okobana, na

komanya obobisi bwonsi, ne chisemi chionsi, nimba nokwegena gwonsi oko koranyare kong’anyia ebitunwa, korende onye tindi nobwanchani, inche tindi gento.

3. Naende ningabera abataka ebinto biane bionsi naende nindua omobere one oyie ase omorero, onye tindi nobwanchani, ayio takongwenera gento.

4. Obwanchani nigo bokoremereria, naende nigo bokoba nobwororo, obwanchani tibori koba ne ribero, tibori koenena, tibori gwetigia,

5. Tibokomocha koba nogosika, tibokorigia ayare ayaye, tibori kobeeigwa, tibori kobara amabe.

6. Tiborikogokera obobe, korende bogokera ekeene.

7. Obwanchani, nigo bokoremereria onsi, bwegenana onsi, bosemeria onsi, bobogoria onsi,

8. Obwanchani tibori nomoerio, korende koborabeo obobani, nabosire,kerabeo emenwa, neere, gochirabeo chisemi, nachisire.

9. Naki okomanya gwaito tikori okwoboikeranu, na obobani bwaito tibori obwoboikeranu.

10. Korende ekero oboikeranu bogocha, egetaikeraneti nagesire.

11. Ekero narengwe omwana, nigo narengwe gokwana buna omwana, nigo narengwe korengereria buna omwana, naende nigo narengwe komanya buna omwana. Konabeire omonoto omonene natigire amang’ana ‘obwana.

12. Naki ekero kia bono, nigo tokorora buna ase ekerore buna orututu; korende ekero keria ntorore obosio ase obosio. Ekero kia bono namanyire ase ensemo; Ekero keria nimanye onsi, buna imanyekanete kegima.

13. Gaki bono biatigaire Okwegena, na Ogosemeria, na Obwanchani aya atato: erire rinene ase aya Nobwanchani [1 Abankorinto 13:1-13]

Nase ki Abatigari ba Filadelfia?

Ekanisa ya Laodekia nero ey’omoerio ekwaneire ase egetabu gi’okomaanoka [Okomaanoka 3:14-22]

Buna ekanisa yomoerio, erieta Laodekia engencho yaye nabo erabe, Okogamba, gose okogambigwa kwa abanto gose konacha ekina.

Yeso nigo agechete na kwanga emeremo ya Laodekia.

Aba-Laodekia nigo bangete oborai boria boitabire na ekanisa ya Filadelfia obwo boreo koreng'ana n'amariko. [1 Abankorinto12:28], Abaefeso 4:11-16], na komenya ase oboigatwa obonge. Ase ayio, oborai bw'ekanisa ya Filadelfia nigo bore ao korwa ase boria bwa Laodekia. Ekanisa ya Laodekia nigo egosegeeta oboinche [ase abanto gete, gose ase abarai gete mamincha y'okoraria gwe enchili na ekeene gionsi], nigo bagotiga inse ekeene, naende goetera ase ayio, nigo bagotogonyerwa na gosemigwa bagore etahabu yasambirwe ase omorero [Okomaanoka 3:18-19]

Ekiagera Laodekia nigo egendererete komentekana ase amatuko aya y'omoerio, korende aba-Filadelfia nigo bare abake ase omobaro, korende bake ba Filadelfia goika bagenderere kobao.

Nigo tomanyete aya ekiagera Yeso natebetie ekanisa ya Filadelfia iga: Ase engencho orendete na kobwata amachiko aane ase oboremereria, nainche boigo ninkorende ase engaki y'emechando eyio ekoyechera ense, gotema abwo bamenyete ase ense. Rigereria ninchiche bwango Okomaanoka 3:10-11]. Ekanisa ya Filadelfia abwo bare abatigari nabwo boka bakorierwa eira y'okorendwa korwa ase emechando emenene eyio ekoyechera ense. Abwo nabaegwe chimbaba buna echi'ensoti erinde banyare koiruruka batame gochia ase eroro ase baramenye ase emiaka etato ne ekeng'ese banyare kwebisa korwa ase obosio bw'eng'iti eria [Okomaanoka 12:14]

Komenta ayio, ekiagera Yeso ayetogetie emeremo ya Filadelfia, naende koba kirori omwegenwa korandia enchili 'oboruoti bwa Nyasae erinde koayereria omoerio oche bwango [Matayo 24:14] goika ekanisa ekore emeremo eyio.

Ninki Obwanchani borakore ase ekanisa entigari ya Filadelfia? Rora aria arikire aiga:

1. Mogenderere ase obwanchani, inwe ase inwe [Abaiberania 13:1]

Erieta ri'ekegiriki erio rionchoire "obwanchani bw'obomino nigo rikorokwa Filadelfia. Omoriki bw'egetabu kia Abaiberania nigo aichoretwe nomoika O Nyasae ase okorenta ebirengererio ara kabere.

Obwanchani bw'obomino mboganeirie kogenderera kobao ase baria bonsi begenete ng'a nabakristo bare.

Naende ng'a Filadelfia yoka enyene goika egenderere kobao, naende nigo erabe bo ekiagera nigo egosegeeta Obwanchani.

Egento keganeirie koinyorwa nonya obokristo bwaito bore oboreu nonya nase baria abatigari ba Filadelfia nkeria ng'a banyore Obwanchani nabwo bore enchera ya Nyasae. Eke nakio ekanisa egendererete ya Nyasae eganetie koba.

Amang'ana aya naro arenge amatang'ani korandigwa ase esabato etang'ani ase ekanisa egendererete ya Nyasae. Naende boigo naro abete amatang'ani narandetie ase omosangererekano bwa abarai korwa Afrika engima ekero nachete Kenya 2014 na 2017.

Ekonikodesi ya Strong nigo ekweegeria buya iga ng'a Filadelfia engencho yaye nobwanchani bw'obomino gose kwenari gokora onsi ase obwanchani.

Ekero Yeso akwanete erieta Phileo na Simion Petero [engencho yaye Obwanchani] Naki Petero aganeirie koorokia Obwanchani obwo? Goika arenge gokora emeremo ase obwanchani.

17. Akamoboria eria gatato, Simion Mosinto O Yohana, nonyanchete inche? "Petero agaichana ekiagera amoboretie eria gatato nonyanchete?" Risia ching'ondi chiane" [Yohana 21:17].

Ekerenga kia Filadelfia nogwancha abande naende na kwerwa gokora boigo. Abande nigo barakagere ng'a nogwancha baria bare ekanisa ime boka, baise gokora boigo nigo barabe mamincha na Matayo 28:19-20 na Yohana 10:16, Ne ching'ondi chinde nchire mbwate chitari ase richo bono, nachirochio goika nchirente, nachirochio nachiiigwe eriogi riane, nachirochio nachibe riicho erimo na omorisia oyomo.

Aba-Filadelfia nigo banchete abanto bande, tari barabwo boka banchaine aya nkoreng'ana na Herbert Armstrong buna arigete:

Ekanisa ya bono neganeirie kwama amatunda [Ebikone bia amatuko aya page 290].

Edini y'ekeene ya Nyasae eichire nomoika omochenu-Omogoko otanyare gokwaneka ase okomomanya Nyasae na Yeso Kristo ase okomanya ekeene na ogwoka kw'obwanchani bw'obonyasae [Ebikone bia amatuko aya].

Buna koreng'ana Yeso aorokerereti" Naki onde bwensi orarigie koegera obogima bwaye, oyio nabosirie; na oyorasirie obogima bwaye ase engencho yane, na ase engencho y'enchili, ayio naboegere [Mariko 8:35]

Aba- Filadelfia nigo bararwe bionsi ase okorandia enchili.

Aba- Filadelfia nigo babwate" chinguru chinke" barendire ring'ana riane, naende tibakanete erieta riane" [Okomaanoka 3:8] Tibari omoganda omonene]. Nigo barendete ring'ana ri'ekekeene batari korituguta inse. Tibakaneti okobua gwa Kristo [buna koreng'ana Strong akwera buya igoro ye ring'ana erio]

Aba- Filadelfia nigo bancheranete ng'a "Yeso Kristo nere omotwe bw'ekanisa [Abaefeso 5:23], naende mbancheranete okobua kwaye ime ye ekanisa.

11. ere akarua abande babe abatomwa, Na abande ababani, Na abande abarandia, Na abande abarisia, Na abande aborokia.

12. Agakora boa se ogoikera abachenu ase emeremo y'obosomba, goika omobere O kristo oogachwe.

13. Nabo goika intwe twensi tonyare goikera obomo bw'okwegena, Na komanya mono omwana O Nyasae, na koba omonto omoikeranu, goika ekerengo ki'ogoichorwa gwa Kristo.

14. erinde titoba naende abana ebingwerere, bagotugutwa aaria na aaria, na koirwa ase kera embeo y'okworokereria, ase obong'ainereria bw'abanto, ekero bakobang'aina kobwatia

chinchera chi'okobasiria.

15. Korende tokwane ekeene ase obwanchani tokine goika toikere Kristo ase chinchera chionsi, nere omotwe [Abaefeso 4:11-15]

Aba-Filadelfia nigo beroberetie buya kegima korandia enchili 'obruoti bwa Nyasae gochia ase ense yonsi goika omoerio ochiche. Ekiagera nigo baragenderere kobao goika omoerio. Aba- Filadelfia nigo babwate obwanchani bwa Nyasae gochia ase abamwabo erinde banyare goikera emeremo 'oborandia.


Naboigo nigo barakonye kwarigania emeremo eyio eraikeranigwe na Nyasae [Abarumi 9:28]

Ekanisa nigo ebegete emeroberio ya beene korandia enchili ya Nyasae nyuma [Matayo 24:14] na ase engaki [Okomaanoka 11:3-14], engaki y'emechando emenene ne rituko ri'Omonene na engaki y'ogocha gwe chikansa chionsi echio chire ang'e gochaka [Korende ekanisa ya Nyasae tokobwatana ne chikanisa echio ekiagera nigo mamincha na Nyasae] Okomaanoka 13: 4, 8, 14:9-13 –Eke nakio ekanisa egendererete ya Nyasae egokora.


Nonya abande tibamanyeti, Abatigari ba Filadelfia be ekeene mbakore onsi obwanchani. Obwanchani gochia ase NYasae, obwanchani gochia ase abagisangio baito, naende gwancha ekeene gionsi buna kere [Aya na ayamo ase amaorokererio abarai korwa Afrika engima banyorete ime ya Kenya omotienyi o kabere 2017.

FREE Continuing Church of God Books and Booklets


at www.ccog.org/books




Christians: AMBASSADORS



Continuing History of the Church of God



Dating: A Key to Success in Marriage



Faith for Those God has Called and Chosen

OMOSARIA BW'AMACHIKO NING'O

ASE 2 ABATHESALONIKI 2?

Na Bob Thiel

Omotomwa Paulo narigete aya akobwatia igoro y'omosaria oria, Omwana bw'obosiru, ase 2 Abathesaloniki 2.

1. Bono baminto, ase amang'ana 'ogocha kw'omonene oito Yeso, Kristo, na ogosangererekana gwaito ase obosio bwaye, twabasoroire,
2. Timotengechigwa bwango na gotiga ebirengererio biaino; gose timoichanigwa na omoika onde, gose ne rirube rikogerwa ng'a nkorwa asetore riaikire kobao.
3. Monto onde tabang'aina asenchera ende yonsi, ekiagera rituko rituko riria tirigocha ogwatananekana na ogotaigwera gotaracha, na omosaria bw'amachiko, omwana bw'obosiru aorokigwe.
4. Ere nomoengereria, omweimokereria igoro yak era egekorokwa Nyasae, na ekegosasimwa. Naende nigo agoikaransa ase Hekalu ya Nyasae, okweraria omonyene ng'a nere Nyasae.
5. Inee, timware koinyora ng'a ekero narengemo amo nainwe inabatebetie ayio?
6. Na bono; erimotatangete, erio ekero engaki eraike anyare koorokigwa.
7. Naki obobisi boria bw'ogosaria amachiko bwachakire gokora emeremo bono, na oria orengere kobotanga bono goika arusigweo.
8. Erio agwo omosaria oria bw'amachiko aorokigwe, na omonene Yeso namoite nomoika bw'omonwa oye, na komosiria ase amasase 'okookigwa kwaye.
9. Ogocha kw'omosaria oria nigo kore ogokora gwa saitani, naende nkobe nokobua gwonsi, na ebikone, na amakumia 'oborimo,
10. Na ase obong'ainereria bwonsi bw'ogotaba boronge ase abwo bagosira ekiagera bangete konyora ekeene, na kogiancha erinde banyare gotoorigwa.
11. Ase ayio, Nyasae nabatomere obontantanu bwe chinguru, abakore begene ayare ay'oborimo,



Omochori oyomo korwa bojeremani nachorete omonto oria orengere Omosaria bwa'amachiko buna akororekana 1498.

12. Erinde bagambigwe bonso abwo bategenete ekeene, korende bare kwegokia ase ayatari ay'oboronge.

Omonto oria omosaria bw'amachiko bw'omoerio nigo agochia gokora ebikone na amakumia ase ense engima.

Omosaria oyio bwa'amachiko nere ng'o?

Abande nigo bakeororkereria ng'a omsaria oria bw'amachiko ne eng'iti ya kabere ase Okomaanoka

13. Na abande ng'a ne eng'iti ye ritang'ani. Korende ning'o omosaria bw'amachiko ekeene?

Korigereria ase Daniel na Okomaanoka.

Rora Daniel buna gokwana igoro y'omoruoti O Sugusu oyio ore ang'e mono koigwanana na omosaria oria bw'amachiko.

36. "Omonto oria nigo arakore buna anchete. ASE obomwenu bwaye neimokererie igoro ase kera enyasae, nakwane amang'ana 'ogokumia mamincha ya Nyasae, oy'obuete chinyasae chionsi. Nagenderere konyora chinguru goika ekeririanda kia Nyasae geikeranigwe.
37. Omoruoti oria tagosika chinyasae chie chisokoro chiaye, gose eye abakungu banchete

gose enyasae ende yonsi, ekiagera neimokererie igoro ase chionsi.

38. Ase ribaga riabo nasike enyasae ekorenda chiburi: enyasae eye chisokoro chiaye chitamanyete nigo aranyesike na koyeruera chitahabu ne chifeta na amagena e rigori rinene, na ebiegwa ebiya mono. [Daniel 11:36-38]

Keria Daniel 11:36-38 nekemo na keria 2 Abathesaloniki 2:3-4 egokwanaigoro y'omosaria bw'amachiko.

Rora boigo Omoruoti oyio O Sugusu nigo akweimokereria igoro ase kera egokorokwa enyasae. Aya nigo are are amo ne enyasae 'obonda, eyio [buna nabeire nkorora ase enyasae ya Rumi [Katoliki] naboigo ne eng'iti ere ne chingunchara ibere ase okomaanoka 13.

Ebibilia nigo ekwoorokia ng'a eng'ti ye ritang'ani nesasimwe na eria ya kabere nigo agochia kogera ense yonsi enigma esasime eng'iti eria ye ritang'ani.

1. Erio nkarora eng'iti egosoka korwa ase enyancha. Ero nigo yareng ne chingunchara ikomi. na emetwe etano ne ebere. Igoro ase chingunchara chiaye nchiarengeo chigutwa ikomi, na ase emetwe yaye ndiarengeo erieta ri'okoroma.

3. Omotwe oyomo bw'emetwe yeng'iti eria okororekana ng'a nore norogoma rw'amakweri, korende orogoma rwaye rw'amakweri rokagwenigwenigwa na ense yonsi egakumia ase eng'iti eria na koyetunyana.

4. Abanto bagasasima enchoka eria, ekiagera yaete eng'iti okobua. Naende bagasasima eng'iti eria bagoteba, "ning'o oreng'aine neng'iti eye? Ning'o oranyare koyerwania?

7. Naende ekaegwa okobua igoro yak era eamate, na abanto, na omonwa, na egesaku.

8. **Abanto bonsi abamenyete ase ense mbayesasime**, otatiga abwo amrieta abo arikire ase ebuku y'obogima y'Emanwa y'Eng'ondi, oyoitetwe korwa omochakano, ekeri oboroso bw'ense bwabegetwe.

11. **Erio nkarora eng'iti ende egotiira korwa inse**. Ero nigo yareng ne chingunchara ibere chinga buna ech'emanwa y'eng'ondi, egakwana buna enchoka.

12. **Nigo ekwanaria okobua gwonsi kw'eng'iti e4ria ye ritang'ani ase obosio bwaye, na kogera**

ense na bonsi abamenyete aroro basasime eng'iti eria ye ritang'ani, ero eyio orogoma rwaye rw'amakweri rwagwenetigwe.

Bono ekiagera omonto oria omosaria bw'amachiko nigo akweimokereria igoro ase kera egokorokwa Nyasae [2 Abathesaloniki 2:3-4] na eng'iti ya kabere nero yagera ense yonsi gosasima eria ye ritang'ani korende tari ero enyene [Okomaanoka 13:11-12], ase ayio goika omonto oria omosaria bw'amachiko ebe eng'iti eria ye ritang'ani.

Inyora eng'iti eria ebwate chingunchara ibere [oyio ore omobani bw'oborimo [Okomaanoka 19:20] nigo agochia kogera ense yonsi esasime eng'iti eria ye ritang'ani eyio ebwate chingunchara ikomi. Na ayio nigo eranyakore bosio bw'eng'iti eria ye ritang'ani [2 Abathesaloniki 2:9-10]. Igo eng'iti ya kabere Teri kweimokereria igoro yoka enyene ekeri abanto bagosasima eng'iti eria ye ritang'ani eyio ebwate chingunchara ikomi. Ne eng'iti eria ebwate chingunchara ikomi nero ekoroma Nyasae, buna koreng'ana omoruoti O Sugusu nere boigo agokora [Daniel 11:36-340]. Naende Nero yaetwe okobua korende tari eria ebwate chingunchara ibere.

Mariko ande tari akworokia ng'a eng'iti ya kabere egosasimwa buna eria ye ritang'ani. Omobani bw'oborimo, oyio ore omogwekanooye. Naboigo aba PAPA babeire bakweegeria abanto kobabekera amaru abo inse [gokanya chinengo ase obosio bwa aba PAPA], tindanyora kebungo kende kegotebia omobani bw'oborimo gwekora koba omogwekano bw'ogosasimwa.

Okobwatana ogokoro ngwancherana kore igo.

Rora aya Daniel arigete:

24. Chingunchara chiria ikomi, abwo na abaruoti ikomi baraoroke, na nyuma yabo omoruoti onde naoroke. Ere nigo arabe nogwatananekana korwa ase abwo bamotang'anerete nabue abaruoti batato.

25: Ere nakwane amang'ana mamincha y'oyore igoro mono, naende narosie abachenu b'oyore igoro mono na kobachanda, narengererie koonchora ebiro na amachiko. Abachenu mbabekwe ase okoboko kwaye ase ekeri, na ebiro bibere na ekeng'ese gi'ekero* [Daniel 7:24-25]

Ne eng'iti eria ebwate chingunchara ikomi ekorama Nyasae na gokwana amang'ana 'okorama, nero ekweimokereria igoro ase kera egokorokwa Nyasae [2 Abathesaloniki 2:4]

Rora boigo ime ya Bibilia, abanto nigo bagokurerwa ng'a tibabaisa koyesasima eng'iti eria ye ritang'ani.

9. Na omomalaika onde, oyo o gatato, akabatunyana ogoteba neriogi rinene, "Omonto karasasime eng'iti eria na omogwekano oye, na kobekwa ekemanyererio ase obosio bwaye igoro, gose ase okoboko kwaye,

10. ere nanywe edivai y'emndamwamu ya Nyasae yaroisigwe, etasang'ananiri kende, ase egekombe ki'endamwamu yaye. Naende nachandwe nomorero na ekebiriti ase amasio ya 'abamalaika na ase obosio bw'Emanwa y'Eng'ondi. [Okomaanoka 14:9-10].

2. Omomalaika bwe ritang'ani akagenda agaitera egetaabo kiaye igoro ase ense; na amagumba amabe akaria abanto abwo barenge nekemanyererio ki'eng'iti, na bare gosasima omogwekano oye.

10. Omomalaika o gatano agaitera egaatabo kiaye igoro ekerogo ki'obonene ki'engiti eria, na oboruoti bwaye bokabekwa omonsunte. Abanto bagatakuna chimeme chiabo ase engencho y'obororo. [Okomaanoka 16:2, 10]

Nonya omogwekano oyio ogwekaine ekanisa ya Katoliki [ase ekerengo gete nero], rora neng'iti na omogwekano oye na oboruoti bwaye abanto bagokurerwa tibasasima. Eng'iti eria nigo ere nokobua kobua omobani bw'oborimo, ekiagera nero ekweimokereria igoro ase kera egokorokwa Nyasae.

Kae ebibilia ribaga yekwanere yoka, nigo egoteba ng'a amang'ana are ase 2 Abathesaloniki 2:3-4 nigo agosoana na koigwana nogokora kwe eng'iti ye ritang'ani na okwo omoruoti o Sugusu, korende mang'ana ayio tari gosoana na koigwana nogokora kwe eng'iti ya kabere, omobani bw'oborimo.

Rora boigo aria eng'iti ye ritang'ani egochia goikerania bwango:

15. Erio agantebia," amache aria kwaroche aase omotayayi oria, aikaransete, ayio nabanto, na emeganda y'abanto, na ebisaku, na emenwa,

16. Nechingunchara chiria ikomi kwaroche

echio amo neng'ti nachigeche omotayayi oria, nachimokore abe bosa na getirianda nachimorie chinyama chiaye, naende nachimosambe kegima nomorero.

17. Naki Nyasae obekire ase chinkoro chiabo kw'ogokora ogwancha kwaye ase okoba nokorengeria okomo, na koa ribaga amang'ana a Nyasae aikeranigwe.

18. Na omokungu oria kwaroche nomochie oria omonene oyore noboruoti igoro y'abaruoti b'ense [Okomaanoka 17:15-18].

Rora omotayayi [obomo bwe chikanisa chia Rumi] nigo bobwatete omorero goikeranigwa. Komenta ayio eye nenchera ende eng'iti eria ye ritang'ani eyio ebwate chingunchara ikomi teri gochia koyiera abakungu buna Daniel 11:37 egoteba [omotayayi nekanisa ere ase Okomaanoka 17] na kweimokereria igoro ase kera egokorokwa Nyasae.

Ogosiria omotayayi oria nigo ekworokia ng'a omosaria oria bw'amachiko, omwana bw'obosiru ase 2 Abathesaloniki 2, tari omobani bw'oborimo, korende neng'iti eria ebwate chingunchara ikomi, ero na abatunyani baye nigo bare nokobua naende nkonyara bare gokora kende gionsi ribaga ri'eng'iti eria.

Nonya naboigo omobani oria bw'oborimo nigo are moyo goika rero iga [Okomaanoka 19:20] nigo ekororekana ng'a nigo are omosomba bwe eng'iti eria ebwate chingunchara ikomi, gose boigo nigo akorwa ekanisa yaye gochia ase eng'iti eria. Eng'iti ya kabere nigo egosegeeta ogosasima kw'eng'iti eria ye ritang'ani [Okomaanoka 13:12].

Ebimanyererio na Amakumia Nigo Birabe Ase Eng'iti Eyio.

Egento ekemo gekogera yabo aakong'u komanya omosaria bw'amachiko na omwana bw'obosiru oyio ore omoruoti o Sugusu [eng'iti entang'ani] ribaga ri'omobani bw'oborimo nase engencho tibari kobwatania ogokora kwabo kw'ogokumia kw'obong'anereria na ebirengengerio binde buna bire gochia ase omobani bw'oborimo ase Okomaanoka 13:13. KORENDE----Okomaanoka 16:13-14 nigo ekworokia ng'a okobwatana nkoreo.

Naende boigo rora 2 Abathesaloniki 2:9

9. Ogocha kw'omosaria oria nigo kore ogokora gwa saitani, naende nkobe nokubua gwonsi, na ebikone na amakumia 'oborimo [2 Abathesaloniki 2:9]

Bono twarorire ng'a 2 Abathesaloniki 2:9 Teri yoka egokwana igoro ye ebikone bigokorwa ne eng'iti eria, korende na Okomaanoka 16:13-14] nigo egoteba ng'a eng'iti eria ngokora ere ebikone gete.

Omosaria Bw'amachiko Boigo Nigo Akorokwa Omwana Bw'obosiru.

Ase 2 Abathesaloniki 2:3 Omosaria bw'amachiko boigo nigo akorokwa omwana bw'obosiru.

Kero kende ntoranyare komanya ara karenga erieta eri, "Omwana bw'obosiru riarigetwe.[Strong #684] nigo riatoire ime ase egetabu gi'Okomaanoka naro nigo agotoka ase amariko aya akobwatia.

7. Na omomalaika oria agantebia,"Naki ogokumia? Ningotebie obobisi bw'omokungu oyio, na obw'engiti eyio emobogoretie ere nemetwe etano na ebere na chingunchara ikomi.

8. Eng'iti eria kwaroche yarengio, korende bono teiyo, ng'ang'e ere gotiira korwa ase eora y'abakure na kogenda gosirigwa. Na abwo bamenyete ase ense, abwo amarieta abo atarikiri ase ebuku y'obogima korwa omochakano, ekero oboroso bw'ense bwabegetwe, nabakumie ase eng'iti eria ekiagera yarengio na bono teiyo naende neche kobao [Okomaanoka 17:7-8].

11. Na eng'iti eria yarengio, korende bono teiyo ero neya gatano na gatato ere, ero neyemo ase chiria isano na ibere, na nkogenda ere ase ogosirigwa [Okomaanoka 17:11].

Ebibungo ebi agwo igoro tibiri kobwatania kegima ng'a omosaria bw'amachiko nere boigo omwana bw'obosiru, korende nigo bigosegeeta ekemanyererio ekio.Okomaanoka 17 nigo ekobwatania eng'iti eria ekorwa ase enyancha na omwana bw'obosiru.

Bono ebibilia boigo nigo ekweegeria ng'a Yudas Oiskariote nere orange boigo omwana bw'obosiru.

12. Ekero narengio amo na barabwo ase ense nigo nabarendete ase okobua kw'erietia riao

baria kwang'ete. Igo nabaritete, gose tari nonya noyomo obo osirire, otatiga oria omwana bw'obosiru, erinde ririko rinyare goikeranigwa [Yohana 17:12]

1. Yeso gakwanire aya, akaimoka amo naborokigwa baye kogenda ngumbu y'akarooche kedron, aase omogondo orange. Ere na aborokigwa baye bagosoa aroro.

2. Na Yudas, oria omoruete namanyete aase aaria, ekiagera Yeso are kogenda aroro ekero ase ekero amo naborokigwa baye [Yohana 18:1-2]

Ase ekero egeke Yudas agekora ng'a nomotunyani O Yeso orange, korende akeng'aina ere omonyene na nere omoruete Yeso.

Naboigo omoruoti o Sugusu, Abaasuri ase Isaya 10: tibakagera ng'a nigo agochia kobasiria, korende nigo bare ebikorero biaye

5. Obobe nobw'Abaasuri, abwo bare nenyimbo y'endamwamu yane, okogechigwa kwane nigo kore enungu ase amaboko abo.

6. Nimbatome gochia korwania egesaku ekio giasaririe ase Nyasae, ee, nimbachike bagende korwania abanto abwo babeire nendamwamu asebare mbasakore ebinto bi'abanto abwo bibe ebiabo naende mbabatiringere inse buna esike ere ase chinchera.

7. Korende omoruoti bw'Abaasuri takagerete ayio, gose tayarengereretie. Ere nigo aganetie goita na gosiria ebisaku ebinge,

8. ere nigo agoteba iga: Inee! Abachiki baane bonsi tibari abaruoti?

9. Inee! Omochie O kalino tobuete bua Kari-kemisi, na Hamati buna Aripadi, Samaria buna Damesiki?

10. Onye okoboko kwane kwaigete ase amaruoti arenge gosasima emegwekano, Emegwekano eyio yabombire yarengio emenene kobua eya Yerusalemu na Samaria.

11. Inee; tingokora ase Yerusalemu, na ase emegwekano yaye egosasimwa, buna nakorete ase Samaria na ase emegwekano yaye? [Isaya 10:5-11].

Ebibilia ngoteba ere ng'a Yudas nigo akorete chisemi chi'obong'ainereria obonene.

4. Korende Yudas Iskariote Msinto O Simion, oyomo bw'aborokigwa ba Yeso oyoramorue, akabora.

5."Nase ki amaguta aya ataoonigwa chidinari amagana atato, na echio chiegwe abataka?

6. Aya igo akwanete, tari ng'a nigo arorerete abataka amabera, korende nekiagera arenge omoibi, naende abwate esanduku ye chisiringi na, igo anarete korusia echiabekire aroro [Yohana 12:4-6].

Naboigo omoruoti O Suguu arakore ase oborimo obonene kwenyorera okobua.

21. Naende naoroke omoruoti onde omokorekananu ase ribaga ri'oria oitetwe oyio ere takogwa amasikani ase oboruoti obwo. Nigo arache ng'ora ng'ora ase obong'ainereria bw'okweansia aire oboruoti [Daniel 11:21]

34. Ekero emechando eyio erachake abanto ba Nyasae nabanyore ogokonywa ogoke. Abanto abange mbabwatane nabarabwo ase obong'ainereria bw'okweansia [Daniel 11:34].

23. Ase engaki y'omoerio bw'amagambi ayio, ekero abasaria barabe baikire ekerengo kiabo ki'omoerio, omoruoti omotindi mono oichire nobong'ainereria naoroke.

25. Ase obong'aini bwaye bw'obong'ainereria nagenderere konyora okobua ase kende gionsi arakore, na ase ebirengererio biaye ere omonyene nekinie na koenena. Naite abanto abange mobosokano batakureirie. Naimokerere igoro koamererania n'omogambi bw'abagambi. Erio nasenyetwe, korende tari nokoboko kwa mwanyabanto,[Daniel 8:23,25].

Ebibilia nigo ekworokia bonsi babere, Yudas, omwana bw'obosiru oyio omoruete Yeso na omoruoti O Suguu oyio ore omwana bw'obosiru oyio ogochia korua ense ase ogokora obong'ainereria bw'ekweansia. Bonsi nigo bakoekigwa kwegendereria ase obong'ainereria obonene.

Omwana bw'obosiru bw'amatuko aya y'omoerio neng'iti eria ebwate chingunchara ikomi ase Okomaanoka 13, naende nere omoruoti O Suguu ase Daniel 11.

Abatigari ba Filadelfia Tibakonyara Gotantanigwa Nomosaria Bw'amachiko.

Okomanya omosaria bw'amachiko ase 2 Abathesaloniki 2 teri egento keganeirie omonto abe oyosomete buya chisemi chie egedini erinde anyare komanya buya buna abande bakagerete. Bobani bonde tiori bore isiko 'ebibilia bore obwe ekeene, ase ayio abatigari ba Filadelfia tibagwenereti gotamanya omosaria bw'amachiko buna chikanisa chinde chia Nyasae bachorire gotamanya.

Rora naende korwa ase 2 Abathesaloniki 2:9-12.

9. Ogocha kw'omosaria oria nigo kore ogokora gwa saitani, naende nkobe nokobua gwonsi na ebikone, na amakumia 'oborimo.

10. na ase obong'ainereria bw'ogotaba boronge ase qbwo bqgosira, ekiagera bangete konyora ekeene, na kogiancha erinde banyare gotoorigwa.

11. Ase ayio, Nyasae nabatomere obotantanu bwe chinguru, abakore begene ayare ay'oborimo, Erinde bagambigwe bonsi ase abwo bategenete ekeene, Korende bare kwegokia ase ayatari boronge [2 Abathesaloniki 2:9-12]

Obobani mboreo bore obobisi bwa Abarumi na Aba-Orthodox be Egekatoliki korwa ensemu ya moocha obwo bogotaba ng'a omorai obo oyio omanyekanete ng'a "omogambi" bwa abagambi nache na gokora ebikone na amakumia.

Rora oyomo bwa Aba-Orthodox korwa moocha buna agoteba:

Anonymou Paraphrasis [kerikire getabwatie 'marieta[ekarine ya 10]. Omoruoti oyomo bw'ekeene bwango naoroke na ebikone ebinene mbimotunyane. Omoruoti oyio naigwere eriogi ri'omomalaika oyo orabe nere, nare nobomanyi bw'obobani-erietia riaye nigo ribisikanete [ase egati y'ebisaku] ase ense buna ekobwatia: eng'eneng'eni neoroke[nigo erarorekane] ase amatuko atato nase ensa ya gatato y'obotuko ekero omoyega O mariamu obwatire inse ebinto bire buya kegima,[neorokigwe] ase egati gati y'omochie. Na eng'eneng'eni eyio teri ensemu ya chiria chia botambe---na omotomwa---naake eriogi rinene ase amatuko atato agendererete igoro ase eanga ribaso ritaiyo,

inse y'omogwekano oyio noorokeo omosalaba.

Na omotomwa oria naake eriogi rinene korwa igoro buna eriogi ri'enkoba atebie abanto: Inee! Abanto mbasogwe nomoondoko, nobwoba obonene. Mbamoimokererie igoro naende bamorarie ng'a nere, omonene obo.[hereditary monarch [Tzima otto,H.The great monarch and prophecies ase Orthodox, katoliki y' ekerumi na obobani bw'ekemoika. Verenike Press, Rockcity [sc], 2000, pp30,31, 32, 50-51, 53.

Okororekana kw'omosalaba nigo gokoraga omoruoti [oyio okorokwa,omoruoti bw'ekeene ore igoro] amang'ana ayio aise gokorekana bo nigo abanto abange barang'aineke gotunyanyana eng'iti eria [Okomaanoka 13:4,8] otatiga baaria book amarieta abo arikire ase ebuku 'obogima.Na abande tibamanyeting'a saitani nabo ekonyarekana arente omosalaba ororekane.

Omokatoliki oyomo nig akoenekia iga: nigo eorokereretie korwa ase Mariamu:

Nyuma y'emechando emenene etaracha nakebeo ekemanyererio. omosalaba omobariri nororekane igoro amare ataiyo, omosalaba oyio, nororekane gochia ase kera "omonto" Abakristo abatamomanyeti , Nysasae na abande abange na baaria baariganigwe, abwo bakoraagwa na Nyasae ase enchera ya Kristo. Mbaegwe obuya komanya igoro y'obobisi bore ase omosalaba oyio.[Flynn.T., Flynn M.The Thunder of Justice. Maxkol Communications Inc. Sterling [VA] 1993P 349].

Ase ayio are agwo igoro nigo ekageire nokomanyia abanto igoro y'omosalaba oyio ore igoro, y'erioba. Korende ebibilia teri goteba ng'a eyio nengaki engiya, nigo eramanyekane ng'a oyio nomoroberio o saitani. Ekiagera omosalaba torengwe ekemanyererio ase abakristo baaria be ritang'ani. Omoruoti Constantino na ng'ina orengwe korokwa Helena nabwo baretete omosalaba ase ekarine ya kane.

Rora ase obomo bw'obobani mboria ng'a abanto mbasabe goetera omoika o Mariamu[Amang'ana igoro ya Mariamu ase egetabu gekorokwa,Mariamu ng'ina Yeso na emoroberio ende emenge], na omoruoti[omoruoti o bibilia na omoruoti o Sugusu] naoroke. Mariamu na omogambi omonene nabachengerwe

ng'a barentire omorembe.

Korende ebibilia nigo egotokurera egoteba iga:

3. Ekeri Abanto bagoteba;" Ntore nomoremba na obotoereri" erio nario ogosareka gokobachera mobosokano buna obororo bw'okobina bokomochera oyore morito, na tibakonyara gwetooria [1 Abathesaloniki 5:3]

Abanto mbang'ainwe goetera ase ebikone na amakumia ebinde birarorekane igoro y'erioba. Ekiagera ekanisa egendererete ya Nyasae nemanyete buya omosaria bw'amachiko ng'a ning'o, naende nigo erabe aororo koranderia baaria bare nomoyo bw'okomanya, onye omosalaba ore ekemanyererio ase omoruoti omonene oyio tori koraga oria ore omochore O Nyasae korende oria saitani achorire[nabo boigo oranyore aya korwa ase website: www.cogwriter.com amang'ana amanene 'Omoroberio O satani]

Egena Keria Ebibilia Ekworokereria.

Baaria batamomanyeti omosaria bw'amachiko tibakonyara komanya obobani bw'amatuko aya 'omoerio ekeri bogendererete goikerana ase engaki yabo bamenyeteo. Ekiagera tibakonyara komomanya omosaria oria ase igo tibakonyara gokurera boikeranu abatunyani babo gose ense ase aya gochia gokorekana bwango. Baaria batamanyeti embwa na ogokora kw'omosaria bw'amachiko buya tibakonyara konyora oborendi bwa Nyasae ase engaki y'emechando na amatemwa ayio akoyechera ense.

Yeso nigo akoriera eira ekanisa ya Filadelfia oborendi [Okomaanoka 3:7-10] korende tibari kweroka bo[cf Okomaanoka 3:9].Monomonochikanisachinyinge chia Nyasae tibamanyeti boronge omosaria bw'amachiko. Ekiagera abakristo abange tibari abatigari ba Filadelfia ekanisa ya Nyasae tibakorendwa-Korende omoerio nigo barabe babwatanire na saitani koreng'ana na Okomaanoka 12:17.

Abange nigo beng'ainete kobwata amaorokererio a mwanyabanto mono kobua keria ebibilia ekworokereria.

Yeso natogonyerete abarai be chidini baria bakweorokereria amaorokererio a mwanyabanto.

8. igo mogotiga richiko ria Nyasae, mwabwata chingencho chia mwanyabanto .

9. Akabatebia, "mwangire richiko ria Nyasae ng'a monyare kobwata chingencho chiaino. Mariko 7:8-9].

Ase obweng'e, ninki ring'ana ria Nyasae rikworokereria igoro y'omosaria bw'amachiko? Okobwatana okoyia nigo gokworokereria ng'a omosaria bw'amachiko nigo akweimokereria igoro ase kera egokorokwa Nyasae gose kera ekegosasimwa [2 Abathesaloniki 2:4]

Okobwatana ogokoro nigo gokworokereria ng'a omoruoti o Sugusu, neimokererie igoro ere omonyene ase kera egekorokwa enyasae [Daniel 11:36]

Okobwatana okoyia nigo gokworokereria ng'a abamenyete ase ense bonisi mbayesasime eng'ti ye ritang'ani eyio ebwate chingunchara ikomi [Okomaanoka 13:1]

Ogosasima okwo tikori koraga omobani bw'oborimo. Naende ebibilia nigo ekworokereria ng'a omobani bw'oborimo, eng'iti ya kabere ase okomaanoka 13,"nigo egochia kogera abamenyete ase ense basasime eng'iti eria ye ritang'ani [okomaanoka 13:12]


Esomere ayio aye omonyene korwa ase ebibilia.

Nonya naboigo abanto nigo bagochia gosasima ching'iti echio chionsi ibere, okwera kw'ebibilia igoro y'eria ebwate chingunchara ikomi/ omoruoti o Sugusu, ogokora kwaye nigo kogwekaine koria kw'omosaria oria bw'amachiko oyio twakwaneire ase 2 Abathesaloniki 2:3-4 goetania omobani bw'oborimo.


Baria bamanyete obobani bw'ekeene naende bagosaba mono ase ogosoma ring'ana ria Nyasae ekeene mbamanye ayio.

More FREE Continuing Church of God Books and Booklets


at www.ccog.org/books




The Gospel of the Kingdom of God




Is God Calling You?




Is God's Existence Logical?




Prayer: What Does the Bible Teach?




Proof Jesus is the Messiah



The Decalogue, Christianity, and the Beast



Should You Keep God's Holy Days or Demonic Holidays?



Where is The True Christian Church Today?

OMOSARIA BW'AMACHIKO NA AMACHIKO IKOMI



Omogwekano bw'amachiko ase Ekeiberania.

ogosaria kw'amachiko a Nyasae nigo kogendererete. Korende abegeni abwo baragenderere koremereria goika omoerio mbatooreke.

Ninki Engencho Y'ebibe?

4. Onde bwensi ogokora ebibe, nigo agosaria amachiko, ekiagera ebibe nogosaria kw'amachiko [1 Yohana 3:4].

Rora Paulo buna akorika.

3. Monto onde tabang'aina ase nchera ende yonsi, ekiagera rituko riria tirigocha ogwatananekana na ogotaigwera gotaracha na omosaria bw'amachiko, omwana bw'obosiru, aorokigwe.

4. Ere nomoengereria, omweimokereria igoro omonyene, igoro yak era egekorokwa Nyasae, na ekegosasimwa. Naende nigo agoikaransa ase Hekalu ya Nyasae, okweraria omonyene ng'a nere Nyasae.

5. Inee! Timware koinyora ng'a ekeri narengemo nainwe inabatebetie ayio?

6. Na bono, erimotangete morimanyete, erio ekeri engaki yaye eraike anyare koorokigwa.

7. Naki obobisi boria bw'ogosaria amachiko bwachakire gokora emeremo bono, oria orange kobotanga bono goika arusigweo [2 Abathesaloniki 2:3-7].

Na Bob Thiel

Aborokigwa ba Yeso mbamoboretie ng'a indiriri aya arabe na narari arabe ase amatuko 'omoerio? [Matayo 24:3]. Aya iga akobwatia make naria Yeso akwanete arabe.

12. Nase engencho y'okomentekana kw'ebibe, Obwanchani bw'abange nabokende.

13. Korende oyorrememerie goika omoerio, oyio natooreke [Matayo 24:12-13]

Ebibe nigo bigendererete komentekana na obwanchani nigo bogendererete gokenda mono.

Omosaria bw'amachiko nigo agosegeeta ebibe. Nigo aichire nobosaria bw'amachiko na obong'ainereria bw'ekerengo kia igoro mono ekiagera nigo akweraria ng'a nomorai bw'egedini. Abanto baria batamanyeti na gwancha okwegena gw'ekeene, goika bamotunyane.

Ebibilia nigo egosira amang'ana ayio ng'a omosaria oria bw'amachiko nokobua kw'eng'iti eria nigo agosaria amachiko onsi pi.

Tiga torigererie amachiko ayio ikomi okomo ase okomo:

Ase ogochika kw'eritang'ani, Rora aya akobwatia igoro

y'omosaria bw'amachiko, oyio okorokwa Omoruoti aiga inse buna agochia gootorana ogochika okwo.

36. Omoruoti oria nigo arakore buna anchete. Ase obomwenu bwaye neimokererie igoro ase kera enyasae, nakwane amang'ana 'ogokumia mamincha ya Nyasae oyobuete chinyasae chionsi. Nagenderere konyora chinguru goika ekeririanda kia Nyasae geikeranigwe. Aria aroberetigwe ng'a nabe goika aikeranigwe.
37. Omoruoti oria tagosika chinyasae chie chisokoro chiaye, gose eye abakungu banchete, gose enyasae ende yonsi, ekiagera neimokererie igoro ase chionsi [[Daniel 11:36-37].

Omoruoti oyio agwo igoro, nomoruoti o''Sugusu''oyio okorokwa, eng'iti egosoka korwa ase enyancha, ase Okomaanoka 13:1 naende eng'iti ye ritang'ani ase okomaanoka 13:1

Omoengereria o Kristo nere eng'iti ya kabere, eyio egosoka korwa inse [Okomaanoka 13:11], naende nere oyo bw'omoerio gochia gosiira eng'iti ye ritang'ani, naende nateeme kobetereria abanto batige koigwera ogochika ogotang'ani.

12. Nigo akwenari okobua gwonsi kw'eng'iti eria ye ritang'ani ase obosio bwaye, na kogera ense na bonsi abamenyete aroro basasime eng'iti ye ritang'ani, ero eyio orogoma rwaye rw'amakweri rwagwenetigwe [Okomaanoka 13:12]

Ase ogochika gwa kabere, Rora keria eng'iti egochia gokora.

38. Ase ribaga riabo nasike enyasae ekorenda chiburi, enyasae eye chisokoro chiaye chitamanyete nigo arayesike ase okoyeruera chitahabu, ne chifeta, na amagena e rigori rinene, na ebiegwa ebiya mono [Daniel 11:38].

Omoengereria o Kristo nigo agochia kobetereria abanto batige koigwera ogochika gwa kabere.

14. Nase ebikone biria yaetwe ribaga kobikora ase obosio bw'eng'ti eria ye ritang'ani Ekong'aina abwo bamenyete ase ense, egotebia abamenyete ase ense bakore omogwekano bw'eng'ti eria yaagetwe orogoma nomoyio o

birende, nero ekaba moyo.

15. Ekaegwa ribaga kobekera omogwekano bw'engiti eria omoika, goika omogwekano oria okwane, na ogere abanto bonsi abatasasimete omogwekano oria bw'eng'iti baitwe [Okomaanoka 13:14-15].

Emegwekano nero ere ekemanyererio ki'engiti [nonya oboruoti bw'engiti bogochia gokorera ebimanyererio, buna omosalaba, oyio abange bagochia kobara ng'a negento giancheire.

Ase ogochika kwa gatato, Rora aya akobwatia.

25. Ere nakwane amang'ana are mamincha y'oyore igoro mono.[Daniel 7:25].

36. Omoruoti oria nigo arakore buna anchete. Ase obomwenu bwaye neimokererie igoro ase kera enyasae nekwane amang'ana 'ogokumia mamincha ya Nyasae oyobuete chinyasae chionsi. Nagenderere konyora chinguru goika ekeririanda kia Nysae geikeranigwe. Aria aroberetigwe ng'a nabe goika aikeranigwe [Daniel 11:36]

5. Eng'iti eria ekaegwa ribaga ri'ogokwana amang'ana amanene na ay'ogokorama, naende ekaegwa okobua gw'okogamba ase engaki y'emetienyi emerongo ene na ebere.

6. Na igo egachaka korama Nyasae, ekarama na erieta riaye, na obomenyo bwaye, na abwo bamenyete igoro [Okomaanoka 13:5-6]

Ase ogochika gwa kane. Rora igoro ye eng'iti na omoengereria o Kristo buna agochia gokora:

25. Nateeme goonchora chingaki nebiro [Daniel 7:25]

16. Naboigo ekagera abanto bonsi, abake na abanenee, abanda na abataka, abatari abasomba na abasomba babekwe ekemanyererio ase amaboko abo abori gose amasioabo igoro, gose chinamba chi'erieta riaye,

17. Erinde monto onde bwensi tagora gose koonia otatiga ere oyore nekemanyererio keria, engencho yaye erieta ri'eng'iti [Okomaanoka 13:16-17]

11. Na ogotimoka tikori omobaso nobotuko ase abwo basasimete eng'iti eria na omogwekano oye, na kera oyonyorete ekemanyererio ki'erieta riaye [Okomaanoka 13:16-17].

Ande ake eng'iti neonchore ekarenda na goonchora amatuko y'echuma ase enchera gete. Abanto abange nigo bakagerete ng'a ekemanyererio ki'eng'iti nokorenda Jumapili.

Korende manya ring'ana eri ng'a ekemanyererio ki'eng'iti nogosaria amachiko onsi a Nyasae.

37. Takonyara gosika enyasae ye chisokoro chiaye [Daniel 11:37].

Aya nigo akworokia ogotaigwera na gosika abaibori baye, nonya aya tari amaororo, komenta mono, eng'iti nigo egochia komorwa omokungu oria omotayayi-naende takonyara goonchoka.

16. Ne chingunchara chiria ikomi kwaroche, echio amo neng'iti nachigeche omotayayi oria, nachimokore abe bosa na getirianda, nachimorie chinyama chiaye, naende nachimosambe kegima nomorero,

17. Naki Nyasae obekire ase chinkoro chiabo okogania kw'ogokora ogwancha kwaye ase okoba nokorengereria okomo, na koa eng'iti eria oboruoti bwabo, goika amang'ana a Nyasae aikeranigwe

18. Na omokungu oria kwaroche nomochie oria omonene oyore noboruoti igoro y'abaruoti b'ense [Okomaanoka 17:16-18]

Ase ogochika Kwa gatano na komo, eng'iti eria nigo egochia goita buna omonyanyimbo.

4. Abanto bagasasima enchoka eria, ekiagera yaete eng'iti eria okobua. Naende bagasasima eng'iti eria bagoteba, 'Ning'o orengaine neng'iti eye? Ning'o oranyare koyerwania? [Okomaanoka 13:4].

Naboigo eng'iti eria nigo eragere abande baitwe.

15. Ekaegwa ribaga kobekera omogwekano bw'engiti eria omoika, goika omogwekano oria okwane, na ogere abanto bonsi abatasasimete

omogwekano oria bw'eng'ti baitwe [Okomaanoka 13:15].

32. Abwo bagokora amabe ase okobwatana okwo ere nabang'use namang'ana ay'okweansia goika bagotige kegima, korende abanto baria bamomanyete Nyasae obo mbatenene bokong'u banyare gokora ayabagwenerete bakore,

33. Abwo bare nobong'aini ase egati y'abanto mborokererie abange babe nokomanya. Korende ase engaki enke abande babo nabaitwe nemioro, na abande mbasambwe nomorero, na abande bairwe ase obosomba na abande basakorwe ebinto biabo [Daniel 11:32-33].

1. Oyomo bw'abamalaika baria batano na babere, abarengene nebitaabo bitano na bibere, agacha agakwana nainche, agantebia, "Inchwo aiga, nkworokie okogambigwa kw'omotayayi oria omonene oikaransete igoro ase amache amange.

2. Ere oyio abaruoti b'ense bato manire nere, na abanto abamenyete ase ense batindire ase edivai y'obotomani bwaye,

3. Inabogoretigwe n'omoika, na omomalaika oria akang'ira goika ase erooro. Aroro nkarora omokungu oikaransete igoro ase eng'iti imbariri mono, eichire amarieta ay'okorama arikire asare, eyare nemetwe etano na ebere, nechingunchara ikomi.

4. Na omokungu oria nigo arenge oboirie eanga emonyinga na imbariri, na ochabeire chitahabu, na amagena e rigori rinene, ne chiruru. Ere nigo arenge ne gekombe gi'etahabu koboko kwaye, geichire okogechia na eubi y'obotomani bwaye.

5. Ase obosio bwaye igoro nigo arenge nerietta ri'obobisi riarikire iga:

"BABELI, OMOCHIE ORIA OMONENE, NG'INA ABATAYAYI NA OYO BW'OKOGECHIA GW'ENSE" [Okomaanoka 17:1-5]

Eng'iti eria nigo eresoonani na gosegeeta obotomani kemoika [Yakobo 4:4, Ezekiel 23:37]

Ogochika Kwa gatano na gatato, eng'iti eria neire chinse chinde na gochisakora ebinto biabo.

39. Ase ogokonywa kw'enyasae engeni nekorere

chiburi chinkong'u buna anchete. Abanto baria baranche ng'a nomogambi are nabae obonene bw'ogosikwa. Nababeke babe abagambi igoro ase abanto abange na nabatananere ense ebe eng'eria yabo.

40. Ase engaki y'omoerio omoruoti o irianyi namoumokere, korende omoruoti oria o Sugusu nigo aramorindokere buna ekembugu-mbugu ore nechigari, na abariini be chibarasi, nechimeeri chinyinge. Nigo arasoe ase chinse ao ao nomoganda omonene aichore aoorie goeterao....

43. Nabe nokobua igoro ye chikungo chie chitahabu ne chifeta, na igoro y'ebinto bie rigori rinene bia mosiri. Abanto ba Libia na ab'Etiohia mbabe bakobwatana chimbaratero chiaye [Daniel 11:39-40]

Eng'iti neire emegondo yonsi na ebinto bionsi bire ebiya.

Buna koreng'ana na ogochika gwa kianda, eng'iti eria nerete obonda bw'ong'ainereria.

25. Ase obong'aini bwaye bw'obong'ainereria nagenderere konyora okobua ase kende gionsi arakore [Daniel 8:25]

23. Nyuma okobwatana kogwakorirwe nere, anyore okobua nonya obwate abanto abake boka [Daniel 11:23]

Abanto baria batabwatie obwanchani bw'ekeene goika begene oborimo [2 Abathesaloniki 2:12]. Obong'ainereria obwo borakorwe ase ebikone 2 Abathesaloniki 2:8-11, Okomaanoka 13:11-15] ogokina kw'enibo kobekwa omosunte [Okomaanoka 13:16-18], na ogochandwa [Daniel 11:31-35, Okomaanoka 13:7] Buna koreng'ana nogochika gwa ikomi, Rora aya akobwatia:

25. naimokerere igoro koamererania nomogambi bwa abagambi. Erio nasenyentwe, korende tari nokoboko Kwa mwanyabanto [Daniel 8:25]

24. Nigo arache ng'ora ng'ora asoe ase chinsemo chintobu chi'ense eria; nigo arakore amng'ana chisokoro ne chisokororia chiaye chitakorete, nasiarere ase egati y'abanto baye ebinto aureretie, na ebi asakorete, ne chinibo. Nakore emeroberio y'okorwania chiburi chinkong'u,

korende ase engaki enke yoka [Daniel 11:24].

Eng'iti eria nigo eganetie na gosanera chinguru chi'okogamba na kogania kera egento kebe ekiaye naende nabeke emeroberio koiria nonya nkeria getari ekiaye. Nigo aganetie nonya ne chinguru chia Nyasae.

Eng'iti eria nigo egosaria amachiko onsi a Nyasae naende nigo eganetie nonya na abatunyani baye bakore boigo. 2 Samwel 15:24-25;

Amariko nigo agoteba ng'a gosaria amachiko ebio n'ebibe. Omogwekano,: 1 Samwel 15:24-25; Okonganya 32:22-30; Ayubu 2:9-10[cf Zaburi 3:1], Nehemia 9:14,28-29, Luka 15:18,[NIV 1 Samwel 24:11], Omochakano 39:9, Matayo 5:30[cf Omochakano 31:30,36], Okoiranerera 23:21, Abarumi 7:17.

Rora boigo ebibilia nigo egoteba ng'a "omosaria oria ogosaria amachiko boigo nigo akorokwa omwana bw'obosiru, oyio ore omoengereria na kweimokereria igoro ase kera egekorokwa Nyasae gose ekegosasimwa"[2 Abathesaloniki 2:3-4].

Amatuko y'omoerio.

Omotomwa Paulo naichoretwe nomoika akarika amang'ana agochia koba ase amatuko 'omoerio.

1. Gaki, manya ring'ana eri, ng'a ase amatuko 'omoerio inachibe chingaki chi'obokongu.
2. Naki abanto inababe bakweancha barabwo abanyene, abanchete chibesa, abetogia, abaenenu, abarami, abatari koigwera abaibori babo, abatari koiraneria ng'a mbuya mono, abatari abachenu
3. Abancheti abanto bande, abatarigetie kobwatana, abang'achi, abatari gwetanga ase rinde rionsi, abatindi, abagechete ayare amaya,
4. Abarua abande abancheti gokanigwa, abamwenu, abanchete kwegokia kobua komwancha Nyasae.
5. Abakororekana ng'a mbare ne chingencho chi'obonyasae, korende bakana okobua gwe chingencho echio. Bweatanane korwa ase abwo.
6. Naki ase egati yabo mbareo abgwesoyia ase chinyomba chi'abanto gosakora abakungu aboro, abare ne chigurube chi'ebibe, na koraagwa nokogania okobe gwe chingencho ao ao.
7. Abwo nigo bakweorokereria botambe,

korende tibakonyara goikera chisemi chi'ekeene
[2 Timotheo 3:1-7].

Ayio onsi are agwo igoro namange are ase abanto
abange, ase abana siasa, rora buna akwera buya igoro
y'eng'iti.

a. Inababe bakweancha barabwo abanyene.
Eng'iti neyakore ayio [Daniel 11:36]. Ayio nigo
are mamincha nobwanchi bwa Nyasae na
gwancha omogisangio oo, nogosaria amachiko
onsi a Nyasae.

b. Abanchete chibesa. Eng'iti eria," naibe
chitahabu ne chifeta na amagena erigori rinene
ne ebinto bi'erigori korwa Misiri"[Daniel 11:43]
na ayande amange.

c. Abetogia. Eng'iti nigo egwetogia ase
oboenenu bwaye [cf. Daniel 7:25, Yakobo 4:16]
ase ogosaria ogochika gwa kianda.

d. Aberori. Ogosaria ogochika gwa kianda
nakebe ekemanyererio ki'eng'iti [Daniel 11:36]

e. Korama Nyasae.ebibilia nigo egoteba
ng'a,"nakwane amang'ana y'okorama Nyasae
ore omonene kobua chinyasae chionsi [Daniel
11:36, Okomaanoka 13:6] ase ogosaria ogochika
Kwa gatato.

f. Abatari koigwera abaibori babo. Aya onsi nigo
are eng'iti eria ase Daniel 11:37.

g. Abatari koiraneria ng'a mbuya mono. Eng'iti
tekoiraneria Nyasae ng'a mbuya mono[cf.
Daniel 11:36]

h. Abatachenegeti: amachiko namachenu na
ogochika nogochenu [Abarumi 7:12], korende
eng'iti nigo eraimokererie igoro baria bagosaria
okobwatana ogochenu.[Daniel 11:30].

i. Abatancheti abanto bande: eng'iti nigo
egosasima emegwekano, goita na gochanda
abachenu [Okomaanoka 13] tebwati nonya
nobwanchani bw'ekemayabanto [Daniel 11:37].

j. Abatari kwabera: ebibilia teri goteba ande
onsi ng'a eng'iti eria nechie kwabera [cf Daniel
11:40,Okomaanoka 13:10].

k. Abarwa abande: Eng'iti eria ne kwane
mamincha a Nyasae [Okomaanoka 13:5-6, 2
Abathesaloniki 2:10],na koing'ainerria[cf Daniel
11:27] ase ogosaria ogochika gwa gatato na
ogwa kianda.

l. Abatari gwetanga ase rinde rionsi: Eng'iti
nigo eraimokererie igoro ase oboenenu bwaye,

[Daniel 11:30], naende nigo ereimokererie igoro
goetania ekerengo [Daniel 11:36-37].

m. Abare abatindi: Eng'iti nechande abachenu
mono[Daniel 7:25, Okomaanoka 13:7]

n. Abachayayete baria bare abaya: eng'iti
nenchande baria bare abachenu na kobakwanera
amang'ana y'oborimo baria barendete
okobwatana ogochenu [Daniel 11:30-32].

o. Abaurereria abande: Eng'iti nesegste
obourereria [Daniel 11:30-32], ase ogosaria
ogochika gwa kianda nogwa ikomi.

p. Abakong'etie ebigoti: Eng'iti nigo erakong'ie
ebigoti gokora kende gionsi[cf Daniel 11:29-43].

q. Abatabwati amasikani: Eng'iti nigo megochia
gokora amang'ana onsi etari kyiera monto
[Daniel 11:36-37. Okomaanoka 13:5-8].

r. Abanchete emegoko y'ense kobua komogokia
Nyasae: Eng'iti nigo yeanchete enyene goetania
Nyasae [Daniel 11:36-37].

s. Ababwabwate omogwekano bw'obonyasae:
Eng'iti nigo ekwerari koba ime y'edini [Daniel
11:38] naende nigo egokora emeremo na
omobabani bw'oborimo [Okomaanoka
16:13-14]. Korende nigo erabe ogosasima
kw'emegwekano y'oborimo [cf. Okomaanoka
13:14-15].

t. Abagokana okobua kwa Nyasae: Eng'iti eria ne
kana okobua kwa Nyasae bw'ekeene na gosaria
amachiko [2 Abathesaloniki 2:8-10].

u. Naire abatari nokomanya ase obosomba
goetera ase okogania kwabo okobe: Eng'iti
eria nekore ebikone [2 Abathesaloniki 2:8-
11, Okomaanoka 13:11-15], naturubanie
obotenenku[Okomaanoka 13:16-18], gosegeta
ogotaba boronge gwonsi"[2 Abathesaloniki
2:12], na gochanda [Daniel 11:31, Okomaanoka
13:7] na gokora abanto basasime ekemanyererio
kiaye. Amachiko onsi a Nyasae nigo are
amaronge[Zaburi 119:172]

v. Abatanyare goikera chisemi chi'ekeene: Eng'iti
nerarie oborimo buna ekeene, naende ase
omoichano omonene abange mbamotunyane
ekiagera tibanyorete obwanchani bw'ekeene ase
okorenda amachiko a Nyasae [2 Abathesaloniki
2:7-12.

Paulo nigo akorwa ekurate gochia ase abanto amatuko
aya y'omoerio abwa babwati amasikani gochia ase
amachiko a Nyasae. Amo na "omosaria bw'amachiko".

OMOYEGA BW'EBIRORI



Na Bob Thiel

Ebiombe ebinge
bie chikanisa
chia Rumi tibari
korenda amatuko
amanene a bibilia

ase engaki yaye echikire. Ee, nonya amatuko ayio akworokia omoroberio o Nyasae.

Omoyega bw'ebiroria tari rioka nigo okworokia okobokigwa kw'ogotongora korwa amakweri, korende boigo nigo okoraga amatuko y'omoerio na emechando emenene eyio ekoyechera ense na ogocha gwa Kristo erinde atoorie mwanabanto na gochakia oboruoti bwa Nyasa ease ense.

Aiga nareo amang'ana make korwa ase amariko y'Ekeiberania:

23. Omonene agakwana na Musa akamotobia,
24. "Batebie Abaisraeli ng'a rituko rie ritang'ani ri'omotienyi o gatano na kabere batimoke, batige emeremo kegima. Rituko erio naribe Rituko Rinene ri'Ekeinyorio, rirarigwe ase okobugigwa kw'ebiroria, babe nomosangererekano bwatananire ase ogosasima. 25. Tibakora emeremo yabo yak era rituko, nabanduere ekengwanso kegosambwa nomorero"

Tiga torore buna omoyega oyo okoigwana buya nomoroberio o beene o Nyasae.

Rora ribaga ndireo ase egati ye rituko ria Pentekosti na omoyega bw'ebiroria. Ekiagera ekanisa y'okobwatana okoyia nigo yachagete rituko ria Pentekosti nande boigo nigo eraere ase engaki y'okobugigwa kw'egetureri ki'omoerio [1 Abankorinto 15:51-57], ase enchera ende omoyea o Pentekosti na omoyega bw'ebiroria nigo okworokia engaki ye ekanisa-engaki eye tore nero bono.

Rituko rinene ria kane, omoyega bw'ebiroria, nigo rikorendwa ase omotienyi o gatano na kabere ase rituko rie ritang'ani ri'omotienyi oyio [Abalawi 23:23-25].

Esano na ibere engencho yaye noboikeranu.

Omotienyi o gatano na kabere ase ekarenda ya Nyasae [nigo ogochaka omotienyi o kianda gose omotienyi o ikomi], oyio obwate emeyega ene y'omoerio goikerania omoroberio o Nyasae aswe tore. Omoyega oria ogochaka ase omotienyi oyo o gatano na kabere nigo okworokia omochakano bw'omoerio aqse omoroberio o Nyasae.

Buna koreng'ana Abalawi ekoorokia, ne esabato y'ogotimoka kegima korwa ase emeremo yak era rituko, naende nigo rire ekeinyorio ase okobugigwa kw'ebiroria. Ne chingaki chi'okwegera enchera ya Nyasae [Nehamia 8:2-3 cf. Ezra 3:1-7].

Amange aria akorekanete ase Abaisraeli nigo arigetwe koba "ekiorokererio, naende atokurere, intwe aba togocherwa nomoerio"[1 Abankorinto 10:11]. Ngoetera okobugigwa kw'ebiroria nao erieta rie rituko eri rierwete.

Amang'ana nareo abisakanete ime ase okobugigwa kw'ebiroria, mmono kobwatekana ne chingaki echi ch'omoerio echi tomenyete. Naende boigo emanyekane buya ng'a erieta ria bono ri'Ekeyahudi nigo rikorokwa Rosh Hashanah, teri erie ebibilia gose nonya nkorwa ase amariko ye ritang'ani y'Ekeyahudi. Korende ne erieta riachagete Hashana. Copyright 1998-1999 kera ekemo keria Abayahudi bakorete, Inc.]

Ebibilia nigo ekworokereria ng'a okobugigwa kw'ebiroria nigo biarenge koraria emeyega ya Nyasae, naboigo korangeria abanto basangererekane amo [Omobar 10:1-3,10].

Egetabu Ki'Obogima

Egento giokogokia neke ng'a abasomi abange b'Ekeyahudi nigo bakobwaterania amo omoyega bw'ebiroria na egetabu ki'obogima" [peltz M, Rabb. Ninki kere ase Rosh Hashana? Haaretz September 2012], Nase ki ayio ayokogokia?

51. Rigereria, ayankobatebia nobobisi. Titogokwa twensi, korende twensi natoonchorwe, 52. ase okomiami na okoramokia, ekero ki'getureri ki'omoerio. Naki egetureri nakebuge, na abakure nababokigwe, tibaba nogosareka, na intwe natoonchorwe 53. Naki ogosareka kwagweneire koigwa ogotasareka, na ogokwa kobigwe ogotakwa [1 Abankorinto 15:51-53].

Egetabu gi'okomaanoka nigo gekweegeria ng'a ebitureri bitano na bibere nabibugigwe [8:2] egesusuro nakebanyore abwo bonsi batarendirie na Nyasae [9:4], naende boigo oboruoti bwa Nyasae na ekina ekio kegocha [11:15-18].

Omoerio abwo amarieta abo atarikiri ase egetabu ki'obogima nabanyorwe na amakweri a kabere [Okomaanoka 20:14-15]

Ebiroria Bikobugigwa:

Ase engakieria ya Abaisraeli, eyio yabwate emechando yak era engencho, na ogotaigwera gwonsi, ebiroria bikagenderera gokurera abanto, kobarangeria gocha amo, na koraria amang'ana y'engencho ayio arenge kobwatania egesaku ekegima.

Nyasae nigo atumiete ababani abwo barenge, Isaya, Ezekiel, Hosea na Joel bagakurera Abaisraeli: Erinde banyare kobairania korwa ase obosaria bwabo. Ababani abwo nigo barenge goaka amariogi abo buna ebiroria.

1. "Aka eriogi rinene, tobaisa gokira, aka eriogi buna eri'egetureri! Tebia abanto baane ogosaria kwabo, batebie abwo bare ab'ororeria rwa Yakobo ebibe biabo [Isaya 58:1]

Intwe ekanisa egendererete ya Nyasae nigo togendererete gokora emeremo boigo rero iga. Ase oboremu nigo togokurera abanto ebibe biabo, naende buna okomanya ekeene ebigokorekana ase ense ebio bigoikerania obobani-ayio boigo ntogendererete kworokereria.

Korende egetureri nakebugigwe ase amatuko are bosio buna egetabu gi'okomaanoka kegoteba [Okomaanoka 8:1-13, 9:1-18]. korende abange tibakoigwaogokurera okwo.

Ebinge nabibugwe ase egetabu gi'okomaanoka na ebinge boigo nabibugigwe ase omoyega bw'ebiroria [Abalawi 23:24]-ase ogosemeria okonene abange mbarore okobwatana koria koreo.

Korende egetureri kere eki'engencho enene nekia gatano na kabere ekio kere eki'omoerio. Ayio naro okomaanoka egoteba.

15. Omomalaika o gatano na kabere akabugia

egetureri kiaye. Erio amariogi akaigugwa igoro, agoteba, "oboruoti bw'ense bwabeire oboruoti bw'omonene oito, na obwa kristo oye, nere nagambe goika kare na kare. 16. Na abagaaka baria emerongo ebere na bane, abaikaransete ase obosio bwa Nyasae ase ebirogo biabo bi'obonene, bagatung'ama, bagasasima Nyasae, 17. bagoteba, "Aye Omonene Nyasae Omobui, oyoreo na oyokwarengeo, twagoakeire ng'a mbuya mono, ekiagera kwabogoirie okobua kwao okonene, na gwachakire kogamba, 18. Abanto b'ebisaku bakabea, korende bono endamwamu Yao yachire, na engaki y'okoa abasomba bao ababani, na abachenu, na abwo bairogete erieta riao, abake na abanene, eng'eria yabo, na gosiria abwo bagosaria ense" [Okomaanoka 11:15-18].

Omoyega bw'ebitureri nigo okoraga okobugigwa kw'omoerio okwo gokworokia ogocha gwa Kristo na gochaka oboruoti bwa Nyasa ease ense. Amanga'ana amaya naya, oboruoti bwa Nyasae nabwo boganeirie korarigwa [Matayo 24:14, 28:19-20] erio omoerio ochiche [Matayo 24:14]. Omoyega bw'ebitureri nigo okraga obobui bwa Kristo ase ense.

Ebiombe bia Rumi, buna Jerome na Epiphanius [Catholica Omnia Tabulinum De Ecclessiae Patribus Doctoribusque Material Migne JP Argumentum. Patrologia Latin Volumen Culumna MPLO25 Ab Columna ad Columnam 1415-1542A, PP 922, 903]. Abanazareti nigo bagendererete korenda emeyega goika ekarine ya kane na eyagatano. Naende boigo nigo yarendetwe na abakristo ba Yerusalemu goika batenenetigwe nokobua kwarengeo. [see Pixner B. Ekanisa ya abatomwa eyio yarenga ase egetunwa gia Zayoni. Biblical Archaeology Review, May/June 1990:16-35, 60].

Abaamereria ba Yohana Crysostom nabwo bateemete gotanga abanto korenda omoyega bw'ebitureri ase ekarine ya kane gochia omoerio [Yohana Crysostom Homily, Against the Jews 1:5, vii:2 ayio arandetigwe Antiokia, siria ase omwaka 387 AD Medieval sourcebook saint John Crysostom [c.347-407].

Korende baria bateemete koba abegeni nigo bagendererete gokora boigo amatuko onsi.

Ekanisa egendererete ya Nyasae nigo egendererete bo rero iga.

KWARANGERIGWE NA NYASAE?

Na Alfred E. Carrozzo [nigo arikire koraga ense egocha. May 1971, na ayande nigo aigoire buya na Bob Thiel].

Ase engaki eye Nyasae nkorangeria are abanto korwa ase ebibe na korwa ase ense eyio egosira. Nokorangerigwa kw'ogokumia na ase engencho gete. Nogokumia ng'a abange tibegeneti ayio. Kero kende Nyasae ngokorangeria are bono. Noganetie komanya gose nigo okoombia okorangeria Kwa Nyasae gochia ase ense yonsi.

Soma amang'ana aya erinde omanyegose nkorangerigwa ore na Nyasae gose yaya. Ekere ase ense ya bono ne esegi enene egati ya Nyasae na saitani. Nyasae naganetie kera oyomo aikere ogoonchoka na konyora ogotooreka, na saitani nigo agoteema gosiria bonisi, onye ere boigo ekeene abanyene oboronge goika bamanye ng'a abanto ba Nyasae ngosirigwa bare.

Abanto abnge ase ense eye ya bono tibegeneti obokristo. Na ebibilia nigo egoteba ng'a rieta rinde tiriri inse ase erioba toranyare gotoorigwa naririo [Ogokora 4:12, Gose gotooreka tikori ase onde bwensi, ekiagera erieta rinde tiriri insE ase erioba intwe mwanyabanto twaetwe eriranyare gototooria]."

Abanto chimilioni chinyinge bamenyete na abande bakure batanya komanya na koigwa igoro y'erieta ria Yeso Kristo. Naki erabe ase abanto abwo? Naki erabe ase abana baria bakure bare abake chinsa inke igo ekero baiborwe? Nyasae nigo anchete ng'a basire igo kare na kare? Naki ase baria bamenyete ase chingencho chia mwanyabanto? Nigo bagochia gosira kare na kare?

Yaya taibo, kera oyomo goika anyore ribaga.

Okorangerigwa Kwa Beene.

Egento ki'ogoichania neke, ng'a Nyasae tarigetie ng'a bonisi batoorigwe bono! Nokweba omoroberio o



1896 Esimi korwa Sweden.

Nyasae oyio ogerete Omoinjirisiti agaaka eriogi rinene ogoteba"karwe chinkoro chiano gochia ase Nyasae nyuma chingaki chitaraera". Ring'ana ria Nyasae erio riutire nomoika nigo rigoteba monto onde tari oranyare gocha gocha ase Yeso Kristo atangusirie na Tata omonyene [Yohana 6:44, Onde tari orache asende atangusiri na Tata oyo ontomete, nainche nimobokie amatuko y'omoerio].

Ase amang'ana ande, eri tari rirorio rituko, ri'ogotooreka rioka. Aya naro are ase ebibilia yao ime. Bonisi baria batarangerigwa rero, gose bataegwe ribaga banyore ogotooreka, omoerio pi nabaegwe ribaga erio, engaki y'okobokigwa mbaoroke banyore ribaga erio Ri'ogotooreka. Okobokigwa okwo nigo korakorekane nyuma y'emiaka elifu eyemo, keria abasomi ba ebibilia bakoroka emeliniamu.

Abanto abange baria bakweroka abakristo tibamanyeti ekeene eke. Nase ki abanto baria babwate erieta ri'oboristo batari komanya amang'ana amororo y'oria bagoteba ng'a nere bagotunyana? Yeso omonyene nigo akwanete na aborokigwa baye---mwaerwe inwe komanya obobisi bw'oboruoti bwa igoro, korende asebare tibaragwa komanya [Matayo 13:11]. Akagenderera gotebia abatunyani baye ng'a barabwo baikire korangerigwa: Akabora: Ninche nabachorete inwe korwa ase ense [Yohana 15:19]

Ebibilia nigo egoteba ng'a abakristo bonisi pi goika banyore okorangerigwa Kwa beene korwa ase Nyasae.

Okomanya kogotubwa.

Ogotamanya buna kore boigo, Nyasae obisire engencho ya amang'ana erinde abange tibayamanya, ase Isaya 28:10-13]. Nyasae nigo agoteba iga:

10. Nigo agotoa ogochika igoro ase ogochika, ee, ogochika igoro ase ogochika, ring'ana igoro ase ring'ana, aiga make, na aaria make" 11. Ekeene, omonene nakwane nabanto aba goetera ase abanto b'ebisaku ebiao, abwo bagokwana omonwa omogeni. 12. Omonene nigo atebetie abantoabwo," Aiga naase agotimokerwa, tiga abwo barosire batimokere aiga, erinde banyore chinguru naende". Korende abanto abwo tibaigwerete. 13. Ase ayio ring'ana ri'omonene asebare nigo rirabe iga: "Ogochika igoro ase ogochika, ee, ogochika igoro ase ogochika, ring'ana igoro ase ring'ana, ee, ring'ana igoro

ase ring'ana, aiga make, na aaria make'erinde
kobagotaarababe bakogwa kenya-nyuma,
babutokane,

Ring'ana ria Nyasae nigo riarigetwe erinde
tirimanyekana. Nigo rikomanyekana ase baria boka
arangeirie ere omonyene. Norimanyete ring'ana ria
Nyasae? Nyasae okorangeirie gose? Naki oranyare
komanya ng'a kwarangerigwe?

Naki Nyasae akorangeria naende naki agochora?

Abange tibamanyeti buna Nyasae akorangeria

Abande nigo bagokagera ng'a Nyasae nigo akorangeria
ase ogoaka eriogi. Abande bakogera ng'a nase chingaki
chi'obokong'u buna emebasokano, gose emerero. Na
abande beigwa buya komanya ng'a baenekerigwe
ng'a barangerigwe.

Ekeene nkereki? Naki Nyasae akorangeria na gochora
abare abye? Okoiraneria nigo koreokworoiga: kogoteba
iga, Nyasae nigo akorangeria goetera ase enchili yaye
na goetera ase chinguru chi'omoika omochenu.

Enchili nigo ere amang'ana amaya igoro 'oboruoti
bwa Nyasae naende nigo ayio onsi arikire ime ase
ebibilia. Ring'ana ria Nyasae gocha ase mwanabanto.
Goetera ase chinguru chi'omoika omochenu, Nyasae
nigo akoigora ebirengererio bia baria akorangeria
erinde banyare komanya ekeene buna kere igoro
y'enchili yaye. Omoika o Nyasae nigo ogochaka
gokora emeremo ase baria arangeirie.

Ninki omoika o Nyasae ogokora?

Naki omoika o Nyasae oranyare komenya ime ase baria
arangeirie? Naki omoika ogokora emeremo ime ya
baria barangerigwe naende goetera ase ebirengererio
biabo? Omoika nigo okoraa omonto komanya
ng'a Nyasae nareo. Ase engaki eye y'omosunte
bw'ogotamanya buya abange nigo bagokana ng'a
Nyasae tari. Korende onye omoika o Nyasae ogokora
emeremo ime yao, nigo erabe aakong'u gokana
ng'a Nyasae tari. Eke nekemanyererio ng'a Nyasae
ngokorangeria are!

Boigo omoika nigo ogokoraa komanya na koenekia na
kwegena ng'a ebibilia ne ring'ana ria Nyasae riutire
nomoika oye. Egetabu kia Nyasae nigo kebwatera

amaorokererio aye gocha ase mwanabanto. Omoika
oye nokorae komanya,

16. Kera ririko riutire nomoika o Nyasae, nario
riranyare gotworokereria, na gotokurera, na
gotorongeya, nagototang'ana ase oboronge
[2Timotheo 3:16]

Naki omonto aranyare kwegena ng'a ebibilia ne
ring'ana ria Nyasae ekero agokagera ng'a ensemo
gete tiyautetwe nomoika?

Eke nakio baria bakweroka abakristo abange
bagokora. Abande begena ng'a okobwatana ogokoro
nomogano bwoka igo, na abande borokererie ng'a
egetabu gi'okomaanoka nigo kiarigetwe nomonto
obwatera emechando yaye omonyene.

Abande bateba ng'a amarube a Paulo oka naro
agwenerete kwegenwa. Mboriri bwa ngencho ki obo?

Ase amaorokererio buna ayio, nakio gekogera abanto
bachora chinsemo gete chi'ebibilia bakwegena, baanga
koigwera amariko onsi ayio autire nomoika omochenu
o Nyasae. Nabo eranyarekane bwegene ebibilia enigma,
gose tibwegena pi. Nabo ere aororo igo.

Yeso akabora:

Amariko takonyara gosareka [Yohana 10:35].

Akabora, amariko nigo are amaikeranu tabwatera
botutukanu bonde bwonsi. Ebitabu ebinge biarikirwe
korende tibikoreng'ana ebibilia ekiagera tebwate
botutukanu bonde. Obotutukanu bokorigia
kororekana na engencho y'ogotamanya buya
engencho y'amariko ayio.

Oise gosoma amariko a Nyasae kobwatera ebirengererio
ng'a namakorekanu are, tokonyara komanya ekeene
na engencho y'ering'ana riaye. Nigo oregene ng'a
ebibilia nigo ebwatera obotutukanu obonge naende
tokonyara gosemeria ng'a nekwane ekeene.

Onye kwegenire ng'a ebibilia ne ring'ana ria Nyasae-
ng'a amariko onsi nigo autire nomoika o Nyasae-
naende ng'a amariko takonyara gosareka" rirorio
kwarangerigwe na Nyasae!

Enchera ende omoika okoraa baria barangerigwe na
Nyasae nokobaraa bamwegene Nyasa ease ring'ana
riaye, buna agokwana naboigo ere are tari goonchoka.
Baria bonsi barangerigwe goetera ase omoika oye
nigo bakwegena ebibilia batri korusia kende gose

komenta kende aroro.

Onye Nyasae okorangerie, omoika oye nokorae komwegena Kristo ng'a tachete gosaria amachiko korende nigo achete koyaikerania [Matayo 5:17, Timokaga ng'a nigo nachire gosaria amachiko, gose amang'ana 'ababani, tinchete kobisaria, korende ase okobiikerania]. Goika onyare kwegena ng'a oboruoti bwa Nyasae nigo borabere ase ense korende tari igoro borabe [Matayo 5:3,5] mbasesenirie abare abataka ekiagera oboruoti bwa igoro nobwabo, Mbasesenirie abare abaitongo ekiagera nabaire omwando bw'ense.

Onye omoika o Nyasae ogokora emeremo naye na gokorangeria, goika okane amang'ana y'Egepagani ng'a omoyo tori gokwa. Nigo oranyare kwegena amang'ana are ase Ezekieli 18:4, 20, Naama emioyo y'abanto bonisi neyane, koreng'ana buna omoyo o ise ore oyone, boigo noyo bw'omwana ore oyone. Omonto oyio ogokora ebibe nere orakwe. 20.

Omonto ogokora ebibe nere orakwe. Omwana tagochandwa ase engencho y'ebibe bia ise, gose ise tagochandwa ase engencho y'ebibe bi'omwana oye. Omonyaboronge nanyore eng'eria y'oboronge bwaye, na omonyabibe nanyore eng'eria y'obobe bwaye. Omoyo tokogenderera koba moyo goika okwe. Nigo orachake komanya ng'a aria kwabeire gokworokererigwa tareng'e aye ekeene. Ribaga erio nigo rirakee ase okorika ayande, korende namange areo ayio Nyasae agoteba abeire agootoranwa.

Onye omoika o Nyasae ogokoraa, nigo oranyare komanya ekeene kie ring'ana riaye. koment'a ayio, omoika o Nyasae nigo oragokonye kweera buya amariko---bobani bonde tabori bobisekanete [2 Petero 1:20]

Abanto abange tibakonyara komanya kweera ebibilia buya! Abange nigo bakagerete ng'a obotutukanu mboreo ase ebibilia ekiagera taboruete ribaga ebibilia yekwanere yoka enyene. Kweegera ebibilia ase obong'aini, na kwerua kweorokereria, nigo oramanye ebibungo binde biria bire ebikong'u ase okonyora rioka obarabu korua ase ebibungo binde.

Omogwekano, Okomaanoka 12:3, Egekone kende gekarorekana igoro; Enchoka enene imbariri ayareng'e nemetwe etano na ebere na emetwe yaye nigo yareng'e nechigutwa isano na ibere. Amang'ana

amange abeire ogokwanwa igoro ye ekebungo eke. Abande bateba ng'a enchoka nomobani bw'oborimo. Abande bateba ne eng'iti. Naende abande bateba ng'a enchoka nigo ere ekemanyererio ki'ogokumia kia abanto abariri ba Rasia [Russia] gose obomo gete. Korende ase ayio onsi taboraikera ekeene.

Nyasae taratotebia ase ebungo kia gatato ng'a Enchoka imbariri ning'o. Toise gosoma ekebungo kia gatato gioka nigo toratebe titomanyeti engencho yaye. Gose torente okorengereria gwaito okooa. Gose torue ribaga amariko ekwanere aro Oka amanyene.

Onye togochora gotiga ebibilia yekwanere yoka, ekio toganeirie gokora erinde tomany'e "Enchoka imbariri "ning'o nigo togosoma ekebungo gia kianda. Ase ekebungo eke gia kianda Nyasae nigo akoorokia ng'a Enchoka ne eng'iti eria yak are, eyio naende ekorokwa omogenki naende saitani."

Onye omoika o Nyasae okorangeirie, omoika oye nigo orakorae kwegena kera egento ebibilia egokwana, naende orue ribaga ero yoka yekwanere! Korende ayio tari omoerio.

Omoika o Nyasae nigo okra baria bonisi barangerigwe nere komenyera kera ring'ana rikorwa ase omonwa o Nyasae [Matayo 4:4. Korende ere akairaneria" nerikire omonto takoba moyo ase omogati bwoka, korende ase kera ring'ana rikorwa ase omonwa o Nyasae"]. komanya ebibilia buya, nigo ere buya komenyera kera ring'ana ria Nyasae, korende tari make igo gose amaorokererio y'oborimo. Abange baria bakweroka abakristo nigo banchete ebienne bike bi'ebibilia korende ebinge biabo nigo bakobitiga aare mono. Naki baranyare komenyera kera ring'ana ria Nyasae ekero batamanyeti ekio rigoteba? Negento ki'ogokumia ng'a abnge abwo bakweroka abakristo tibakonyara gwatora ebitabu bine ebitang'ani bi'okobwatana okoyia Ebitabu bi'enchili-enchili eyio baganeirie kwegena.

Gokwana ase oboremu, abakweroka abakristo abange tabori ang'e komenyera kera ring'ana rikorwa ase omonwa o Nyasae. Abange nigo bakorikana ase oboenenu, korende bamenyera make aria akogenda nebirengerio biabo. Nyasae nigo akorwa okomanya gocha ase baria bamenyerete kera ring'ana riaye.

Enchera ende Nyasae agokorera omoika oye emeremo nokorangeria abanto, na kobaorokereria chinchera chiaye. Onye Nyasae okorangerie goika ochake komanya boikeranu ebibilia ase engaki entang'ani. Nigo orachake gosoma na kweorokereria ebibilia kore n'erang'o y'ogokina komanya ring'ana mono.

Naende nomanye ng'a enchera nereko ekorekana ng'a nendonge ere ase omonto. Korende omoerio bw'enchera eyio namakweri. [Emerengano 14:12, Enchera nere ekorekana ase omonto ng'a nendonge, korende omoerio bw'enchera eyio namakweri.

Encheray'omonto nigo ere ey'obogenki, endamwamu, obwegimeria, enchera y'okonyora. Gokorera abande nyuma bataragokorera. Nenchera y'okogania okobe, obobisa, chisege, oboiti, ribero, obororo, ogotinda, na ayande buna ayio. Naro akorenta emechando yonsi ase ogwatigwa enkororo na obororo obonge, naro boigo arentire emechando emenge eye tokororo ase ense bono.

Onye Nyasae okorangeirie, omoikaoye nokorae komanya ng'a kwabeire kogotara ase enchera ya mwanyabanto, enchera eyio omoerio oye namakweri. Nigo orachake korwa obogima bwao bwonsi gochia ase Nyasae naende obwatie enchera yaye. Nigo orakwane naende gwakora bo."Ogwancha kwao gokoreke" nonyare goonchoka.

Goetera ase ogosoma ebibilia na koba ang'e na Nyasae, nigo orachake kororo ense buna egochia gosira ekiagera egotara ase enchera ya mwanyabanto. Norore ng'a omonto ngochia are gosiria ogosemeria kwaye. Omonto nigo aganetie ogokonya okonene. Nyasae nere bwweka obwate enchera y'ogokora emechando yonsi ere ase ense.

Encherayokay'ogokoora emechando ya mwanyabanto nokobwatia enchera ya Nyasae y'obwanchani---enchera ya Nyasae---enchera ya amasikani---enchera y'okorwa na gosanga nabande---enchera y'ogokorera abnde buna oganetie bagokorere aye. Nenchera y'omogoko, omosasoko, omorembe, goisaneka---enchera y'obwororo, obuya, oboitingo, na okwerita ase onsi. Nigo are amang'ana amanene aria Yeso atebetie aborokigwa baye ng'a nigo ere buya korwa kobua konyora.

Onye Nyasae okorangeirie, okworokirie chinchera

chiaye, nigo orachake gotwara omorembe bw'enkororo ime. Nigo orasemerie Nyasae gokoora emechando yonsi ere ase ense, goetera ase enchera ya y'obwanchani. Nonyare komanya na kwegenana ng'a amaene Nyasae nabwate enchera engiya. Nonyare kogoka na komanya ng'a Nyasae nigo agokora emeremo nab aria arangeirie.

Naende nigo orachake komanya ng'a Nyasae nigo akorangeria abanto ase engencho gete. Nigo oramanye ng'a nigo okorangerigwa ase engencho gete---na koegwa obotomwa bore engencho gete. Obotomwa bw'okorandia enchili 'oboruoti bwa Nyasae gochia ase ense yonsi koba kirori erio omoerio oche. Nokorandia gochia ase ebisaku bionsi kwegenana onsi aria Yeso aorokereretie ayio achigete ase abatunyani baye bionsi. Nemeremo echikire y'ogoonchora chinkoro chi'abaise gochia ase abana babo.

14. Naende, amang'ana aya amaya, ay'oboruoti narandigwe ase ense koba kirori ase ebisaku bionsi, erio omoerio ochiche... 21. Ekiagera agwo nebe emechando emenene, etana koba korwa omochakano bw'ense goika bono, gose tekoba bo naende nonya ng'ake. 22. Naende onye amatuko ayio atanachetwe anga monto one bwensi tatooregete, korende ase engencho y'abachore amatuko ayio nanachetwe Malaki 4:6, Ere nairanie chinkoro chia abaise gochia ase abana babo, nan ech'abana babo gochia ase abaise, erinde ekero ndache timbaisa goaka ense eye nokoragererigwa? Matayo 24:14, 21, 22

Onye Nyasae okorangeirie nigo orerwe kegima ase ogokora emeremo yaye. Nigo oramanye ng'a enchera eye ya Nyasae nero eganeirie ase ense enigma. Naende nigo oranyare komanya ng'a abanto ba Nyasae nigo bagosirigwa, ekiagera batari nokomanya. Ekiagera aye kwangire komanya inche, nainche ninkwange, toba omokuani one. Ekiagera kwangire koigwera amachiko aane inche Nyasae oo, boigo nainche ninyange abana bao.

Nonyare koayerera gochaka emeremo eria etigarete---enchili 'oboruoti gocha ase ense. Noire ribaga korandia na kworokereria ebisaku bionsi bamanye enchera y'omorembe, omogoko na omochengo oichoire na goiteka.

Nigo oratware okogania gw'okorwa, gosanga na

gokonya ense eye yagure. Nigo orabeke enkoro yao yonsi ase emeremo ya Nyasae. Nigo orerwe koba oyomo ase baria bagochia gokurera ense ase emechando eyio ere ang'e koyechera. Bwango mono nigo oramanye ng'a kende nkeiyo getigarete otatiga emeremo eyio yoka.

Ense yagoyire ase ogosiria ogosemeria na gosoa ase obotantanu obonene. Omonto ore nokomanya nabo aroche ng'a ense teri gochia kogenderera mono. Nabo oratware ensemo y'ogotobia ense ya bono igoro y'ense egocha. Onye Nyasae okorangeirie, nigo orabe nomogoko bw'okoiria chisemi echi gochia ase ense na Nyasae boigo nigo are amo na mwanabanto erinde gotooria ense. Nonyare gotobia ense nomokia ng'a ense ya ankio nebe buya mono, aase Nyasae arabe, naende boigo nere oragambe kare na kare.

Naende ekero oramanye ng'a chinyuomo chionsi nchibekwe boronge, na buna orabe oyomo obo ase okoirania chinkoro chi'abana gochia ase abaise babo. Chinyuomo chi'omogoko, naende kera egento kebe buya ase obonge, obogima bw'omogoko. Nigo orerwe koba ekengwanso erinde gokonya ense eye komanya enchera ya Nyasae.

Onye Nyasae okorangeirie, koranche tokong'ia enkoro yao. Anacherana naende kaba nomogoko ekiagera kwarangerigwe otooire egesaku kia mwanabanto. Erwe koa ense keria eganetie mono. Enchera ya Nyasae eyio ere enchera y'obogima.

Inee, Nyasae Okorangeirie?

Onye ere ee, goetera ase okorandia gwa CCOG, Amang'ana amayia y'obobani Chividio, na ebitabu binde] na ayande amange aya gwasomire ase egetabu eke achakire kogokonya kwegena keria bori ebibilia egokwana---onye gwaitabire enchili naende gwachakire koba omokoreri o Nyasae—onye kwarorire enchera yao ng'a konya nigo ere embe—onye kogonetie kwerwa gosanga na gokonya ense-rirorio KWARANGERIGWE NA NYASAE!

Nigo ogendererete korangerigwa buna gwasomire amang'ana aya bono. Inee, nonyare goitaba okorangerigwa okwo?

Nonyare koiraneria omoika omochenu o Nyasae na gwancherana ekeene gionsi kwabeire gokonyora?

Nonyare gwancha komenyera kera ring'ana ria Nyasae na kwegena enchili na goitaba gochia ase okorangerigwa gokorwa ase omonene Nyasae, koba oyomo ase baria abatang'ani ase oboruoti bwa Nyasae?

Inyora, baria Nyasae arangeirie nigo barabe abamo babo ase ogotooria ense eye yasunyokire. Nigo barabe abarandia korwa ekurate y'omoerio gochia ase ense eyio ekomokana omonene bono, nyuma omoerio otaracha; mbabe abamo babo ase okorwa ogosemeria gochia ase ense eye yasiririe ogosemeria.

Erinde basemerie ense enyia egocha. Mbabe abamo babo ase okoirania chinkoro chia abaise gochia ase abana babo, nechinkoro chi'abana babo gochia ase abaise.


Na omoerio pi, baria barangerigwe mbabe ABARUOTI NA ABAKUANI ASE OBORUOTI BWA NYASAE INSE YA YESO O KRISTO kogambera ebisaku bionsi buna omoruoti bwa abaruoti na omonene bwa abanene. Oko nokorangerigwa kw'engendo enene kwanyorire. Paulo naichoretwe nomoika akarika aya ase Abaiberania 2:1-3 1. Ase ayio, netogwenerete gotegerera mono kobua na kobwata ayatwaigure, titocha gosira. 2. Naki onye ring'ana riria riakwanetwe nabamalaika nigo riarengere riteneine bokong'u, na kera okomocha na ogotaigwera mbianyorete ogoakanwa kwa boronge, 3. Inee, naki intwe toranyare gwetooria onye twangire ogotooreka okonene buna oko? Ritang'ani Omonene nararetie ogotooreka oko, naende baria bamoigwete batobereire kirori.

Okorangerigwa kwabeire. Nokorangerigwa kw'ogokumia! Okwo kwaigure, naende gwasomire na korora. Bono egekobwatia negetambokero kiao, ekiagera kwamayire enchera ya Nyasae.

Ekiagera ekanisa ya Worldwide Church Of God nigo yabwate ekerenga ki'ogoi kera abanto boni korende egasiria ekerenga keria bono ekanisa egendererete ya Nyasae abatigari ba Filadelfia [CCOG] Yairire ribaga riaye. Emesangererekano na chinamba chi'okomanya amange nigo chigotoka ase www.cco.org

Rora: onye oyomo gose goetania oyomo bw'eamate yao bare ase ekanisa y'ekeene y'egokristo aye bono kwabwatanigwe [1 Abankorinto 7:14] naende kwarangerigwe onye rioka kogogenderera koba omwegeni [Matayo 24:14, Abaiberania 4:7]

GOSOMA AMAOROKERIO Y'EBIBILIA



ELESENI YA 12 B: KOENEKIA EMEGANO Y'EBIBILIA.

Omoringori Omonene, Editor-in-Chief

Nigo kiarigetwe 2017 n'ekana egendererete ya Nyasae.

Aya namorokererio akwegerwa ayio achagete omwaka 1954 goetera ase oborai bwa C. Paulo Meredith ase ekanisa y'eredio ya Nyasae. Ee, nonya amariko amange ayio abeire agachire buya bono aikeranire ase ekarine eye ya 21, naende nigo abwate ebibungo ebinge kogwekanya nebinde ase okonyora oborabu obonge komanya ring'ana. Na amaborio ande ayio atakabeire ase amaorokererio aria ye ritang'ani. Ebibungo ebi nigo birisirie korwa NKJV. Copyright Thomas Nelson, ase ogwancherwa. Na korwa ase KJV Ayio akorokwa Authorized version, naro atumekire mono. Komenta nayio Ebibilia ekorokwa New Jerusalem, eyio eonchore na Katoliki [NJB] nabo kero ende nero etumekire buna echinde boigo.

Rora: eleseni eye yabeireo amatuko amange. Nigo ere buya koyebagana chinsemo inye erinde eigwekane buya kegima.

KOENEKIA ABAGAANKA B'EBIBILIA

Emegano ya Abrahamu ne chisokoro chiaye, nigo ere eya bosa igo?

Naki toranyare koenekia ng'a eamate ya Abrahamu, Tera, Nahori, Harani, Serugi, Reu na Pelegi nemegano y'ekeene? Emegano eyio nigo egotoka ase omochakano 11. Nomanyete aria akworokererigwa ase amatuko aya arero? Amang'ana nare akwanire aiga onye kore nokomanya nonyamanye buya.

Abagaanka bokwegena ase omchakano namang'ana atigareti koba ekeorokererio ase amatuko aya arero. Nigo barenge chituoni chi'okwegena naboigo amang'ana aya nigo abwataine naria ya Abaisraeli. Naende boigo, goetera ase Jehovah [ase Ekeiberani YAHWE] nere orange Nyasae bw'Abaisraeli bw'agetunwa egechenu [Sinai gose Horebu] aya nigo arwete korwa ase Encyclopedia ya Langer world History. Abaringori abange b'ebinto biatire nabo bagwancherana ng'a Abrahamu namenye ase engaki entambe naende narengo [Archology of Hebrews Bible. Nova, PB. November 18, 2008] Namaene?

Tiga toenekie amange.

Inee, Nyasae narengo korwa omochakano? Gose emegano ere ase Ebibilia ney'ekeene ere? Namaene ng'a Nyasae nere omotongi? Gose ande ase ebirengererio biao nigo ere emegano y'oborimo?

1. Ritang'ani soma Ebibilia yao, namaene nonyare korora ng'a nyuma y'emiaka amagana amange, abanto mbarengo. Soma Omochakano 11:18-25, na mono ekebungo kia 25.

Amang'ana aya aichanirie abanto abange! Aya naro anyoretwe ase engaki entambe yaetire.

Ase egati y'emiaka 1934-1939, baria abatuki bagokora obotuki bwabo aaria Mari ase ensemu ya Irianyi ya Moocha ase engegu y'oroche rwa Eufarati na Mesopotamia [eyio rero ekorokwa Iraq].

Ninki okogerete banyorete?

Nigo banyorete ng'a emechie yonsi eyio ere emeke na emenene boigo ime ya Mesopotamia nigo yarogetwe amarieta ya abagaanka baria ba Ebibilia.

Ase amang'ana Atari kobisekana ase emiaka chilifu isato [3000] yaetire omochie oyomo okorokwa Nahori [nigo orogetwe erieta ri'omogaaka bw'okwegena orange korokwa Nahori]. ngokwanwa are ase Omochakano 24:10. Nigo ore ang'e nomochie o Harani oyio oreo goika rero iga. Ning'o otebete

ng'a emegano eyio 'abagaaka abwo batigete ng'a ney'engencho ere?

Goetania emechie eyio, Harani na Nahori ere agwo Mesopotamia nigo yarogetwe amarieta ye chisokoro chia Abrahamu buna omochie oria ore ang'e na Harani oyio okorokwa Serugi, ime ya Siria [ARUG TERAH, TIL TYRAKHI, ase egetunwa gia Tera ime ya Siria]. Reu boigo nigo ekoigwana nemechie eyio ere egati gati ye rikura ria euafarati. PELEGI, omogwekano nigo ochete okorokwa Paliga.

Amagena Ebla ayio akorire emiaka 4000. Nabwate erieta ria Abrahamu naboigo namarieta ande buna Sodoma na Gomorah koreng'ana na David Noel Freedman [Rora ase arigete The Ebla Tablets and Abraham Tradition BYU, 1978].

Abachayi na abasiereria nigo bakoombia amang'ana aya na goteba ng'a Ebibilia nemegano yoka ereo, chingaki chiogosiereria kwabo chiaerire na omoerio obacheire. Ebibilia teri kong'ainereria. Korende abange baria bakweroka abasayansi tibakonyara komanya ekeene [1 Timotheo 6:20] nonya ne ekero omoerio ore ang'e na gesieri kiabo [2 Timotheo 3:7]

NAMAENE YUSUFU NABETE OIKARANSETE ASE OKOBOKO GW'OKORIO GWA FARAO?

Abanto baria babwate chitangutangu nigo bagoseka, baboria, Ninki gekworokia ng'a Yusufu naimokereretigwe igoro akaba oyo kabere ase obogambi bwa Misiri? Ase emiaka etano na ebere ye enchara enene omonto bweka okurerete Abamisiri ng'a enchara ngocha yare Yusufu, naende goika ekabetereria amang'ana ayio arikwe na korendwa buya.

1. Ebibilia yao teri goteba ng'a Farao nabegete Yusufu gotenenera Misiri engima? [Omochakano 41:41]

Kwana anga- Ase nareo agoteba omogano oyio? Gose baria baitetwe, Ebibilia nigo ere egento bosa igokebwate amang'ana ya Abayahudi oka igo? Amang'ana aya nigo akonyorekana ase oboruoti bwa Amenemhet iii o Misiri. Oyio okorokwa Amenemhet nigo ateemete komanya obotambe bw'oroche rwa Naili na gochakia

ogosiarera amache ase emegondo. Nabete ogokiinia mono enyancha ya Moari ime ya Fayumi. Enyancha eria ekagera ebinto binde bigachakigwa ase rikura. Rikura erio nigo riarogetwe, BAHYR YUSUF ase omonwa bw'Ekemisiri, engencho ya BHR YUSUF. NE RIKURA RIA YUSUFU, naende nabo rire goika rero iga. Ekiagera Yusufu nere otenenerete oboagachi obwo ase emiaka etano na ebere, y'enchara enene eyio yareng'e ang'e gochaka!

Ang'e ne enyancha Moari omoruoti oyio nigo aagachete ekiage ekenene aroro, nigo kiarete aase anene mono. Ekiage ekio nakio kiareng'e ekenene kegima kogachera ebinto ebinge bie eserekari yaye. chindagera chigasangererigwa 20% ase engaki ya kera omwaka ekero endagera eria yareng'e enyinge [Omochakano 41:34] erinde eche gotumekwa ase engaki ye enchara. Okobao kwe ekiage ekio ngoetera ase obosemia bwa Yusufu ng'a goika endagera ebe ekogachwa 1/5 ase rigesa ri'omwaka oyio ere enyinge. Aya ne Ebibilia yao egoteba ayio.


Ase ekarine ya 5 B.C. omoruoti Herode akarika ng'a ekiage ekio nigo kiagachetwe ang'e nenyancha ya Moari ang'e nomochie okorokwa bw'echimamba [egetabu ki'omogano p 148].

Omochio oyio bwe chimamba nigo orange omochie omokoro orange ime ya Heptanomis engegu ya Naili. Gati gati y'oroche na enyancha Moari, oyio ore Irianyi ya bosongo ang'e na negesoero kia Fayumi, nao oikaransete Hawara, ase oboringori bogokorerwa, eyio nero enka ya Amenemhet iii oyio orange omoruoti bw'omoerio 12[c. 1855-1808 BC].Hollaway-A. The last labyrinth of Ancient Egypt-part 3, koasiora aase oberete, September 4, 2014.

Korende naki igoro ye enchara y'emiaka etano na ebere? Enkoro yane nigo eichire nomoondoko, Omoruoti Zoseri iii, akabora. Ase engaki yane y'emiaka etano na ebere oroche rwa Naili ndwanya goichoria amache. Rigesa riabeire rike mono. Chindagera nechinke ase emegondo. Kera ekemo nigo kegaretie amache, kera oyomo nigo akourereria oyomwabo, abana nigo bakweng'ereria, abasae nigo bakorera mono, abanto be ebigambero amang'ana abo aerire. Chinyomba chiagachetwe chia amagena, korende ababamenyeteo tibari na gento

bakoria, omoruoti akarera mono [korwa ase oboringori bwa, Barton na Ebibilia p. 305.

Amang'ana aya nigo arwete korwa ase rigena ria Famine Stela. Stele gose Stela nerigena riteneine boronge erio ribwate amariko y'ekeinyorio.



Famine Stela.

Dr. Hoel ase egetabu kiaye"Ningo bwagaachete orwaki orotambe? Nigo akobora iga: Amenemhet iii omoruoti o [Sgusu ya Misiri] na Djoser na Zoseri [ensemo ya Irianyi ya Misiri] bonisi aba nigo bagambe ase engaki ya Yusufu.[Amenemhete iii 1741-1692 Bc na emiaka etano na ebere y'enchara 1727-1720 BC]. Boigo ogwatananekana kwarengeo ekero okogwekani na omochakano 41:29-32 na 47:13-27].

Omochakano boigo nkebwate omogano o Yakobo gosoa ime ya Gosheni aaria Misiri, na Abaisraeli buna barenge komentekana goika chimilioni 2 1/2 abasacha na abakungu na abana ase engaki enke mono ye chikarine ibere. Bono ng'ai ore omogano oyio ogoteba ng'a Abaisraeli mbamenyete Misiri ase engaki eyio yonsi? Baria babwate chitangutangu nigo bakoboria ng'ai ayio arikire?

Boigo nkonyora tore ayande korwa ase Weigall, omogano bwa Farao bonisi VO.2 PP129-130]

Omogwekano, oyio orange nerieta ri'omoruoti [oyio obwate erieta ria Amenemhet iii] nigo onyoretwe aase akorokwa Tell el-yehu diyeh egetunwa kia Boyahudi kere chimaeli 20 korwa Cairo ase enchera enene ekogenda gochia Gosheni Wady Tumilat. Nigo ekororekana anyorete engaki y'okogamba Amenemhet iii naende nabo erabe engaki bachagete komenya agwo, abwo boigo abaamate ba Yusufu konya obaire aroro.

Eyio ne yao ebibilia egoteba ayio. Amang'ana ande akoraga omogondo o Gosheni nigo agotoka ase [Omochakano 45:9-10, 47:27]. Obo boigo noboene bore ime y'ebibilia.

Goika emanekane buya ng'a egento gekogera abanto abange batari komanya buya ase Yusufu akororekana [gose Musa ase enchera eyio]. Egento nkeria ng'a ase egati gati y'ekarine ya ikomi na gatato[13 BC] eyio nero abange bakagerete ng'a nachio chingaki ch'okong'anya korwa ase baria batabwati obomanyi obuya nigo bare isiko nechikarine 2 ekiagera nigo bagokagera ng'a Ramesses ii nere orange Faraoase engaki eyio. Okong'anya kwa Abaisraeli korwa Misiri nigo gwakorekanete ase ekarine ya 15, ang'e omwaka 1446 BC.

Koreng'ana naaria arikire ase Merneptah Stela, Abaisraeli konya bairire ense ya Kaanani ase omwaka 1213-1203 BC, ase engaki y'okogamba gwa Merneptah [Jurgen Von beckerath, Chronologie des Pharaonischen Agypten, Mainz[1997] pp190.



Merneptah Stela.

Merneptah Stela nigo yamanyekanete ase omwaka 1896. Nigo ekwoorokia chisegi, naboigo nigo ekwoorokia ng'a abanto beboyetie buna Abakaanani, naende bwakwanera embusiro eyio ekoyesaria Abaisraeli. Engaki eyio neganeirie kobao buna Abamisiri batanyare gosiria Abaisraeli bonisi pi. Tai mang'ana, Merneptah Stela engencho yaye neria ng'a nokong'anya gwakorekanete ase engaki y'okogamba kwa Ramesses ii eyio etanyarekane pi.

Nase ki?

Ramesses ii nigo ekageire agambete goika 1213 BC, Naende ebibilia yaorokirie ng'a abana ba Israeli nigo batayayete ase eroro emiaka emerongo ene [40] Omobaro 14:34-35, 32:13] nyuma batarasoa ime ya Kaanani. Nigo kere egento kiogosiereria ekiagera Ramesses ii Konya obuirwe, ase igo tiyareng konyarekana naende agambe ase emiaka 30[emiaka 40 orusie eria io ya Merneptah] nyuma y'okonyora amaakwa na gosiria abarwani baye b'esegi buna egetabu gi'okong'anya kegoteba.

Obotantanu korwa ase abwo bakweroka ng'a nabamanyi ba amang'ana bare.Komenta noborimo bonde yagerire batari kworokereria ekeene. Amariko nigo agoteba iga: Botambe nigo bakweorokereria korende tibagoikera chisemi chi'ekeene"[2 Timotheo 3:7] ase ebirengereio biabo ebibe tibakonyara koanya ekeene.

Omoruoti Daudi Nigo Atigete Ekemanyererio Kiaye.

Naki ase omoruoti Daudi ere? Ang'e abanto bonsi bare ne chitangutangu igoro y'omogano o Daudi ase ogokina kwaye ime ase egesaku kia Benjamini Saulo omoruoti.Mboene ki tobwate?

1. Ebibiia nkworokia ere ng'a Daudi nanyorete obonyamasi ase engaki y'ogokina kw'eamate ya Benjamini? 1 Samweli 18:7,8 na 21:11.

Gokwana ake—Ekeene onye ndiria Daudi arenge nokobua okonene, obobui bwaye anga mbwachiete aare na goikeria oroche rwa Eufarati orwo, rwabete orobebe rwa Abaisraeli. Naende onye egesaku kia Benjamini kiareng nechinguru ase egati ya Abaisraeli ase okwerwanerera kwabo korwa ase Abafilisiti, goika yareng gokwanwa.

Ninki keria kereo ase omogano oyio?

Dr.Herman Hoel nigo arigete ng'a nigo ere bobe kegima. Abaringori b'ebinto biaetire koombia omogano o Daudi.

Saulo na Daudi Ase Oboringoria.

Oborori bore chinguru kegima obwo bore mamincha na abaringori ba amatuko aya. Mwanyarekanete na omofaransa oyomo aaria Mari ase engegu ya Eufarati. Nigo anyorete

engaki ya Hammurabi-oyio obekeretwe chingaki chitareng boronge na abariki emegano ase engaki ya Abrahamu- egesaku kia Benjamini nabwo bareng batenenerete. Abafilisiti na abasacha buna Daudi nigo bamanyekanete buya mono [Rora Werner Keller Ebibilia buna omogano p 49-52].

Korwa ase amagena anyoretwe aaria Mari, nigo togosoma amarieta aya akororekana buya kegima. "Omwaka oyio Landulin achiete Hen na kobekerwa amoboko oboteneneri bwa Ababenjamini" naende" omwaka oria Zimrilim aitete abareng buna Daudi bonsi ase egesaku kia Benjamini. Ee, ase oboruoti bwa Saulo, omoruoti bw'egesaku kia Benjamini nigo areng nokubua.Abanto b'ebisaku nigo bamanyete ng'a ense ya Palestina nigo yareng ense ya Ababenjamini. Na Daudi nere orange omotang'ani obo.[1 Samweli 18:7, 21:11].

Okobua gwa Daudi gokamanyekana gochia aare mono na abanto b'ebisaku abange bakaroka abatang'ani bonsi ba Israel, DAUDI,- Abanto banga buna Daudi-buna koreng'ana oboruoti bw'ense engima buna bwa Kaisari o Rumi bakoroka amarieta ayio boigo Kaisaria ase Abajeremani na abarai ba rasia [Russia]

Naki abaringori na abariki b'emegano barawanere igoro y'obotutukanu obo? Nkobekera bareng Hammharabi, boronge ase hingaki chia Saulo na Daudi? Tari bonsi! Korende ase obong'aini bwabo obonene bakaombia ng'a Ababenjamini ime ya Palestina nigo bareng konya Benjamini ataraiborwa- ng'a erieta ria Daudi nigo riamanyekanete nyuma konya ataraiborwa, emiaka elifu eyemo. Igo bagachora korika abaruoti baria bareng na bakaanga amang'ana ebibilia.Okobua gwechingencho chi'ekemwanyabanto bagacharoka "okobua" kwa amachiko a nyasae. Abaringori nigo bakoenekia ebibilia ng'a te neye ekeene! Ekeene kere maiso marore,[September 1963 p. 43]

Aiga nao oka Ababenjamini bakwanire na abatang'ani babo nigo arogetwe "abanto banga Daudi. Omoruoti Saulo nigo areng korwa ase egesaku kia Benjamini: [1 Samweli 9:21] naende nigo abegeete Daudi koba omotang'ani bwa abarwani esegi baye: [1 Samweli 18:5].

Buna koreng'ana Kaisaria o Rumi nigo amanyekanete ense enigma nako a erieta erio boigo gochia ase abatang'ani, ba Abajeremani na abarai ba Rasia [Russia], naboigo na Daudi nere nigo amanyekanete mono na gochia ase abanto b'ebisakugoika abatang'ani bonsi ba Israeli bakorokwa abanto banga Daudi. Na okomanyekana gwa Benjamini kogakina mono ase engaki gete egesak ekio gekarwa erieta riaye gochia ase Abaisraeli bonsi, buna Efraimu na Yudabakorete agwo bosio.

Naki ebibilia egoikera omogano o Daudi? Ase ogoteba ng'a egesak kua Benjamini nigo bamenyete Palestina Irianyi ya moocha aaria Eufarati nyuma Benjamini ataraiborwa- naende emiaka 750 konya Daudi ataraiborwa- abarai abange mbarengeo abawo barenge korokwa Daudi.

KORENDE OGOTORANA KWABO KW'EMEGANO TIGOKONYARA GOTENENA. Ekiagera amariko nareo ayio agachire ayio agoteba ng'a" YAHWE" nere Nyasae. Naorokerete Ibrahimu, na Isaka, Yakobo buna Nyasae omobui. Korende ase erieta riane Yahwe, gose Omonene, tinamanyekanete asebare [Okong'anya 6:3]

Abanto b'ebisaku nigo rioka barenge gocha komanya erieta ria Nyasa ease okobwatana na Abaisraeli naende ekero Abaisraeli bagendererete kogarea gochia ase oroch rwa Euafarati gochia Mari! Naende ayio naro abete?

ASE AMATUKO A SAULO NA DAUDI [Rora 2 Samweli 8:3-10]

Naboigo nigo ekororekana korwa ase amariko ande "Enyomba ya Daudi" ayio anyorekanete korwa ase rigena ria Tel Dan Stela [ekarine ya kianda] na Mesha Stela The Tel Dan Stela and Kings Of Aram And Israeli. Assciates for Biblical Research May 4, 2011]



Tel Dan Stela:

Aya naro akwoorokia ng'a ebibilia ne ring'ana ri'ekeene na abaringori ba amang'ana aetire abwo bakweroka abamanyi nigo are ay'oborimo.

Nonya na abasomi abange ase obong'aini bw'ekemwanyabanto babeire bakorengereria ase oboang'e mono amang'ana ayio are amagusu buna kobeka oborori maiso marore ase ogosiria ring'ana ria Nyasae erio riutire nomoika oye.

DANIEL:

Egetabu gia Dniel nakio kere egekong'u mono ase Ebibilia. Nigo kebekire emiaka 400 nyuma chingaki ch'okobao gwa Daniel. Abande bateba ng'a nigo ayio onsi Atari amaikeranu nigo babegete erieta ria Danieli erio ritareng rirorio [nonya nokobua kwaye abange nigo babwate amabori amange.]

Noganetie omany obong'ainereria obwo abnto basomete b'ense eye buna baonchorete na goochogania ebibilia? Driver akabora; Ogotegea, ase egetabu egetabu kiaye, obotuki bwa amatuko aya ase okweera ebibilia nigo agoteba igo ase ebirengererio biaye:

Segi yareng eo ime ya Babeli goetera ase cyrus-nigo asoete ime na tarutete ensara nonya neyemo-ase okorika kwa Herode, amache a eufarati nigo abogeretigwe na Cyrus, naende abarwani baye bagaetera aroro ekero abanto barenge ase omoyega bw'okwegokia, nigo arenge amang'ana y'obosani- Belisasha boigo tabete omoruoti o Babeli, nonya Dario omomedi ng'a tabete omoruti o Babeli.

Aya namang'ana y'oboriri abange bakworokereria. Ebibilia nigo egokwana ekeene igoro y'okogwa gwa Babeli. Tiga torore aiga:

1. Danieli 5:24-30, teri goteba ng'a oboruoti bwa Abakoridayo, obwo bore obwa Babeli mbosirigwe na oboruoti bwaye boirwe? Naende oboruoti obwo mbwabuetwe na korwa ase Dario bogacha ase Cyrus? Daniel 6:28

Gokwana agusu iga. Aiga mboreo oboene koreng'ana buna yakoregete. Amang'ana ayio nigo arigetwe na kogachwa na Xenophon. Xenophon, korwa Bogiriki

oyio origete encyclopedia ase ekarine ya kane nyuma Kristo konya ataraiborwa, nigo agoteba iga:

Ekeru cyrus aigete Babeli ase omwaka 539 BC, akarema chingoroakabogeria amache y'oroche rwa Euafati ayio arenge gosoa ase ebiita bia Babeli. Erio are amo na abarwani ba Abamedi na Abajemi bagasoera aroro bobisi, bakarina ng'ora ng'ora goetera ase ebiita roche goeta na bakaminyoka bagosoa ase enyomba y'ekegambero. "Ekeru amanyete ng'a omoyega norengao Babeli, agwo ase Ababeli bonisi nigo banywete na gotinda obotuko obwo obogima. ekeru baigete ase enyomba y'obogambi ase Belisasha arenge akarora amarikoase enyasi, bagasoa nechinguru, bakaminyoka baria barenge gotama, na bagaita abande, erio bagacha ase omoruoti Belisasha bakamonyora oteneine nomoyio oye o birende nigo ogwete inse.

IGO OMORUOTI BELISASHA AGITWA ASE OBOTUKO BORIA KORENG'ANA BUNA DANIELI AKWANETE.

Oyo ning'o Cyaxares? Nigo yegenire ng'a nere orange korokwa Dario omomedi, oyio orange ise moke Cyrus" akanyora oboruoti ekeru Cyrus airanete gochia Ajemi korora ise.

Omogano oyo boigo nigo okoenekia ng'a ebibilia ney'ekeene. Dario omomedi nigo anyorete oboruoti korwa ase Cyrus na ekeru Cyrus arenge aaria Ajemi nario Dario akoretwe koba omoruoti [omoruoti ntenenera] kogambera Abakalidayo [Daniel9:1]

Yeso Omonasareti.

Abande nigobakoiri okobao kwa Yeso buna egento kiabosa igo. Tibanya koiri chingaki chiabo komanya gose okobwatana okoyia okwo kobwate amange igoro ya Yeso gose namaene. Kwana komanya gose namaene Yeso namenyete aiga ase ense eye?

Emiaka emenge yaetire abanto mbanyorete egetabu kiabwate amang'ana amanene arenge goteba iga: Yeso-Nyasae, mawanyabantona na nigo kiarigetwe nomonto oyomo orange omosomi egiata, Herbert Cutner koreng'ana naria arenge imeo.

"Omoerio obotukinigo bwaorogetie ng'a

Yeso tamenyete aiga ase ense. Ase omogano otabwate ngencho chinde Yeso nigo abekeregetwe igo, oyio nomoriki oyio ogoteba ayio. Aya namang'ana y'okoondokia ase baria barure ebirengererio ebike ase ring'ana eri.

Oborori boria bwabekeranigwe amo igoro ya Yeso ng'a nembwa eyio y'egeerie. Nabo agokoora omoriki oyio. Nigo agosuguma ebinto ne chinguru naende nigo ekwoorokia boigo ng'a Yeso, oyio ochiete chinsemo chionsi gokora amaya tarengese ase omobere na amanyinga---

Aya namang'ana akwanire noboremu obonene. Korende namaene? Mboene ki abatamomanyeti Nyasae babwate gochencha emegano y'ebibilia?

Ase amaene omogano nigo akwoorokia buna Yeso namenyete ase ense eye, onye omoriki oyio ase obotutukana bwaye gose na ababisi baye bamoete amang'ana ayio na ase ebikone biaye- bono monto taiyo oyo bw'egesaku, taiyo ore omoriri, taiyo omonto bwa amatuko aya, oyio obwate egetamero kende gionsi.

Amaene nararia areo ISIKO Y'EBIBILIA, ng'a Yeso namenyete? Ng'a nakorete ebikone? Ng'a nere oretete amang'ana amaya- y'enchili- gocha ase ense? Ng'a nigo anacheretwe ekina ki'ogokwa inse ya Pilato omogavuna o Rumu? Naende agachora abokigwa baye? Naende maene ki areo ng'a nigo aiboretwe nomokungu omwekungi?

Ebibilia nigo egokwana ayio onsi amaene buna are. Korende tonyare kwegeni ebibilia? Maene ki areo isiko y'ebibilia ng'a Yeso nabwate omogano oye bw'okobao kwaye? Goetania abanto bonisi pi Abayahudi goika bamanye buya imogano o Yeso.

1. Ebibilia ngotworokia ere ng'a Kristo narengao. Matayo 1:6, 18, 21, 2:1, 27:37. Oboene mboreo ng'a Yeso nabeteo amatuko a kare goetania onde bwensi. Ee, nonya abang'aini abange bagokana ayio. Ee, bono, onye Yeso tabeteo anga Abayahudi mbarengese gocha gotwara ngencho ende y'okomokana. Nonya Abayahudi bamwangete Kristo, nigo babetereretigwe engaki eyio ase chinguru chiaye korika amang'ana aye ase ebitabu biabo.

Amariko ya Abayahudi, ngoitaba are ayio? Ninki abanto aba baomberetie ekagera bagekora ng'a tibamanyete ng'a Yeso nabeteo rinde ase ense.

Yeso nigo akwanete ara aange ase amariko ya Abayahudi akorokwa Talmud, amaorokererio y'emegano ne chingencho chia mwanyabanto korwa nyuma y'okoiborwa kwaye goika ekarine ende yabwatetie. Amang'ana aya nigo amanyekanete buya na abasomi abange. Yeso Kristo takwanire ase erieta gokagera ara rimo gose kabere, aaria ase batebete ng'a nigo arenge gosasima emegwekano, na ekeng'ese kie ritabori [Sanh 107 B]. Ase obochayi obonene nigo bamorogete omwana o "Pandera" gose esese ekwete, na oyo ong'etire, omorogi na omoragori, Baalamu na omoegi egiata.

Encyclopedia ya amaorokererio ya Abayahudi nakwanete igoro ya Yeso. Encyclopedia eyio egoteba ng'a nigo bagoteema gotama korwa ase ayio agwekaine naria a Yeso omonasareti. Kero kende Yeso nigo akorokwa "omwana o Pandera" erinde kobisa amang'ana ng'a nigo aiboretwe nomwekungi omoke. Amaorokererio ara kabere ayio agokwanwa ng'a Yeso nomwana o Pandera/ Pandera abwo bare,. Yakobo – nachete komogwenia ase erieta ria Yeso omwana o Pandera [Tosefta Hullin 2:22f] na "Yakobo"—agacha komogwenia ere ase erieta ria Yeso omwana o Pandera [Qohelet Rabbah 1:8 [3]

"Pandera" engencho yaye omwekungi gose engo [nigo rirusirie korwa ase erieta rind ease ogootorana chinuguta chiaye] ase Ekegiriki," pantheons" engencho yaye omwekungi. Abayahudi bagaotorana amang'ana ayio erinde babies oboene bw'okoiborwa kwaye nomokungu omwekungi erinde erorekane ng'a nomwana o Pandera gose omwana bw'engo! Ekiagera ase Egiriki erieta "Panther nario Abayahudi baotoranete gocha Pandera. Ayio naro areo ase okoiborwa kwa Yeso nomwekungi nonya abange bakwanga amang'ana ayio.

Ebikone bia Yeso Abayahudi mbanyarete kobikana? RIBAGA RIA AYIO, ABAYAHUDI BARIA BAMOROCHÉ NIGO OGOKORA EBIKONE BAKABORA, NIGO EOROKERERETIE OBOROGI AARIA MISIRI-eyio ne enchera ende y'ogokwana ari togosoma ase Matayo 12:24

Amang'ana aria agachire buya na Abayahudi nigo arigete ng'a Yeso nagwenetie omouko, obwatire nekerecha, nande oyonde orwarete oborwaire bwa ukoma. Boigo ngokwana are ng'a Yeso natarete igoro ase enyancha. Naboigo namange akwanireo igoro ya Yeso, Mariamu omoiseke omwekungi. Aya nigo akworokia amaene-naende nigo arigetwe na ababisa baye.

Yeso tari ng'a nigo amenyete igo, korende amaorokererio ya Abayahudi nigo are birori b'ebikone biaye. Tiga bono abasiereria bakane ayio.

Amaorokererio y'Abayahudi nigo akoroka enchili ya Yeso arandetie ng'a "Avengil" engencho yaye Ekaratasi emwamu. Tibanyarete korika erieta rironge "Avengel" engencho yaye amang'ana amaya 'oboruoti bwa Nyasae obwo Yeso abarareretie. Tibaganetie oboruoti bwa Nyasae kobagambura- kobatebia ekio bagwenerete gokora.

Aiga nareo aman'ana make igoro ya Yeso korwa ase Abayahudi.

AMANG'ANA MAKE KORWA ASE OMOGANO BW'EKANISA YA AGAPO [ARABIC]

Ase engaki eyio narengeo omento omong'aini orange korokwa Yeso. Naende orogendo rwaye nigo rwarenge orochenu naende nigo amanyekanete ng'a nomonto omuya. Na abange korwa ase egati ya Abayahudi na abande korwa ase abanto b'ebisaku binde bakaba aborokigwa baye. Pilato akamogambia na akarwa ribaga akabambwa na gokwa. Na baria babete aborokigwa baye tibatigete koba aborokigwa rinde. Nigo barwete oborori bwabo ng'a nigo abaorokerete chitunda isato nyuma y'okobambwa na koraria ng'a moyo are. Oyio nabo arabe Masihi koreng'ana na ababani buna babanete ebikone biaye.

Amariko Ande A Babeli [Talmud]

Ase engaki eria y'Epasaka Yeshua akabambwa. Ase amatuko emerongo ene [40] nyuma y'ogoitwa kwaye akagenda akaba okona kwerera. Nigo arenge gochia goakwa amagena ekiagera akorete oborogi na koraa Abaisraeli gochia ase

obosiru. Onde bwensi obwate ring'ana rinde rionsi tiga ache akwane ribaga riaye. Korende ekiagera kende getarentetwe ribaga riaye akabambwa ase omosalaba ase omogoroba oria bw'Epasaka. [Sanhedrin 43a]

Yeshua engencho yaye nere Yeso. Bono amang'ana nareo make y'obobachi bwa Ekeyahudi aganeirie akwanwe.



Rigena ria Jeselsohn.

Obobachi obo nigo bwabeire bokorokwa okomaanorerwa kwa Gabriel. Hozon Gabriel [amaroro a [Gabriel], gose rigena ria Yeselisoni. Naboigo naende nigo kere egetabu ase enyancha ekwete-kere rigena igoro. Nigo rire obotambe chifuti 87. Amariko ya Abaiberania ayio arigetwe ne ewino, kebuate amang'ana agoteba iga: Omoruoti bwa abaruoti naboke nyuma ya amatuko atato. Aiga abange nigo bakwegena ng'a nigo ekororekana ng'a Abayahudi mbamanyete igoro y'okoboka kwa Yeso nyuma konya ataraiborwa naende boigo, amang'ana igoro y'okobokigwa tarengase Abayahudi [Omogwekano Bronner E.Ancient Tablets Ignites Debate On Messiah Resurrection New York times, July 6, 2008].

2. Amariko nkoorokia are igoro ya abatomwa ba Kristo? Matayo 10:1-12

Gokwana ake: Yususfu, Omoyahudi oyio otarengase omokristo omanyete emegano mono, ekarine ye ritang'ani, boigo ngoitaba are omogano o Yeso na aborokigwa baye, buna Yohana omobatisi arengase gokora—Nigo akomoroka Yohana Omobatisi buna omonto omuya”Amarube ya Abayahudi [viii 5, 2]. Abasomi abange ngoitaba bare amang'ana a Yususfu igoro y'ogokwa Kwa Yakobo, momura omwabo Yeso oyio orengase korokwa Kristo. Ant.xx9,1]

Aya namang'ana ara kabere korwa ase Yususfu oyio

orengase Omoyahudi [ekarine ye ritang'ani.

Amarube 18:3.3. Bono aiga narengase omonto oyomo orengase oong'aini. Onye amachiko gwanchera komoroka omonto, ekiagera nigo arengase gokora amakumia. Omworokia oyio orengase gokwana ekeene ase omogoko. Akangusa abange krwa Boyahudi na korwa ase abanto b'ebisaku boigo. Ere nere Kristo, naende ekero Pilato ekiagera arengase omonto ore nokobua ase egati yaito, akamonachera ekina ki'omosalaba. Baria bamwanchete tibamotigete rinde ekiagera narorekanete asebare ase rituko ria gatato, buna koreng'ana ababani babanete na ebikone binde chilifu ebio biabanetwe igoro yaye. Na egesaku keria kiarogetwe Abakristo tikiana gosira goika rero iga.

Amarube 20:9.1 Korende Anania oyio orengase omoke akabekwa akaba omokuani omonene, nigo arengase omoremu ase obokoreri bwaye naende nigo abwate obwanchani, naende nigo arengase ekeombe kia Abasudukayo abwo barengase abanachi ebina igoro ase Abayahudi bonsi, buna koreng'ana twaorokirie. Buna koreng'ana Anania arengase oyo'bwobokoreri obwo, akarengeria ng'a nabwate chingaki chingiya ekiagera Konya Festo okure, na Albanasi nere boigo nagendererete kobao. Igo akarangeria ekeombe kia abanachi ebina bonsi, na erio akarenta bosio bwabo momura omwabo **Yeso oyio orengase korokwa Kristo**, erieta riaye Yakobo, amo na abande boigo gaikire kobasoera ng'a nabasaria ba amachiko bare, akabarwa baakwe amagena.

Abarumi mbamanyete ng'a Pontio Pilato nere onacherete Yeso ekina gi'okbambwa? Nabo akobora Tasito ang'e 115 AD Ase ekeinyorio kiabo xv44.

Ekeinyorio 15:44. Abakristo—Kristus oyio orengase omochaki bw'erieta erio nigo aitetwe na Pontio Pilato oyio orengase omonachi ebina o Yuda ase obogambi bwa Tiberio. Korende amang'ana y'oborogi noboringori bikaera ase bengaki enke na nyuma yaye naende bokairanigwa, tari goetera ase Abayuda boka [Ekeinyorio kia Tacitus, buna koreng'ana akwanetwe na Giles J .A amariko ya Abayahudi nigo agachire nebibungo bi'omogano na gotwara amang'ana onsi korwa ase abariki ba

Abagiriki na korwa ase Aba-Latini, ase Abayahudi na abakristo. James Cornsh, 1856, p 105]

Korwa ase baria ba Isiko moino abwo batamwengenete Kristo nabwo bakorika ayio.

Aya namang'ana korwa ase Sutionio. Nigo akwanete ng'a ang'e 49 AD, omoruoti o Rumi Klaodionnigo abaseretie Abayahudi bonisi korwa ase omochie omonene o Roma [Aya namang'ana boigo akwanire ase ogokora 18:2]

Akabaseria Abayahudi bonisi korwa Rumi ase keria akoroka eburu-buru yak era engaki-ase ogoturubania omorembe okwo kwaretentwe na Kresto [obogima bwa Abakaisaria BK V 25]

Kresto nerieta riogochecheria erio barenge koraga Yeso Kristo. Sustoni nigo arenge omokristo na nigo arenge nigo arenge kobakwana ng'a nabanto banchete oborogi"[obogima bwa Nero 16:2, buna akwanetwe na Bock DL.Kweegera igoro y'omogano o Yeso. Ogokonya gocha ase okorwa na Medhods.Baker Accademic, 2002 p, 48].

Oboene mboreo ng'a Yeso nameneyete!

Ase ekarine ya 21, egento gete gekorokwa, "james ossuary" gekarigwa ase ense [Ossuary nesanduku eyio yarenge kogachera amauga ya baria bakwete] na nigo egotebekana ng'a eye nkorwa ase ekarine ye ritang'ani yachagete emeremo.



James Ossuary.

Nigo yabwate amang'ana y'okogokia arikire ase Ekeiberania:

Ya'akov bar yasef akkud di Yeshua. Aya nigo

ogoonchorwa iga: Yakobo [gose Yakobo] omwana o Yusufu, omomura omwabo Yeso. Nonya ere aakongu ng'a ndi aya arigetwe nabo are okoenekia ng'a Yeso nameneyete naende boigo ng'a nigo abwate omomura omwabo oyomo.

Yakobo [ya'akov]nigo agokwanwa ase enchili ng'a nigo arenge omomura omwabo Yeso[Matayo 13:55]. Egetabu ki'ogokora nigo gekwoorokia ng'a ase engaki eyemo nabete omorai ase ekanisa ya Yerusalemu, naboigo omoteneneri ase ekeombe kia abagaaka ba Yesalemu. Ogokora15. Yakobo boigo nere origete egetabu kia Yakobo. Naende boigo ngokwana are chitunda chinyinge ase amariko a Yusufu.

OBOENE MBORE BOKORWA ISIKO Y'EBIBILIA--OBOENE NG'A YESO NAIBORETWE NOMOISEKE OMWEKUNGI-NG'A EBIKONE NA AMAKUMIA AYE NAKOREGETE-NG'A NARANDETIE ENCHILI 'OBORUOTI-NG'A NARANGERETIE ABOROKIGWA BAYE- NG'A BOIGO NABWATE BAMURA BAMWABO.

Oborori obo nigo bore maiso marore korwa isiko y'ebibilia naende obwo bwarigetwe nomonto otarenge omokristo. Nigo boteneine korwa amang'ana y'oboeneayio omonto atanyare kwanga ng'a tari bo igoro y'omogano o Yeso ng'a torengwe oyobosa igo. Naende ng'a omogano oye ore ase okobwatana okoyia noyo bw'obomaene ore.

Rora boigo aria Petero arigete:

15.Na inche ninkore omokia ng'a botambe nyuma y'ogokwa kwane monyare koinyora amang'ana aya

16.Naki titokobwatia emegano yarengereretigwe nechisemichi'obong'ainereria, ekerotwamanyire okobua kw'omonene oito Yeso Kristo na ogocha kwaye, korende intwe abanyene nigo twarenge abarori b'obonene bwaye. [2 Petero 1:15-16]

Ebibilia nigo ere eye ekeene nonya na abaringori b'ebinto biatire ngoitaba bare bo.

Titoni gotunyana emegano erikire nabanto bare ne chisemi chi'obong'ainereria.

Goikera
Matayo 24:14
Na
Matayo 28:19-20



*Ekanisa egendererete ya Nyasae www.ccog.org
Amang'ana amaya y'obobani a kera ritko www.cogwriter.com*

CCOG.ASIA Eye nigo egokonya abanto bonisi ba Asia.

CCOG.EU Eye nigo egokonya abanto bonisi bare Bongeresi.

CCOG.IN Eye nigo egokonya abanto bonisi bare Boindi [India].

CCOG.NZ Eye nigo egokonya bonisi abare New Zealand.

CCOG.AFRICA.ORG Eye nigo egokonya bonisi abare Afrika enigma.

CCOGCanada.CA Eye nigo egokonya bonisi abare Canada.

CDLIDD.ES Es la continuation de la iglesia de dies.

PNIND.PH Patuloy na Iglesya ng Diyos.



*Echannel ya amang'ana amaya y'obobani
www.youtube.com/BibleNewsProphecy*

*Ekanisa egendererete COG Channel
www.youtube.com/continuingcog*

*ContinuingCOG Africa channel
www.youtube.com/ccogafrica*

Ekanisa Egendererete Ya Nyasae boigo Nebwate
eredio, nkorisia ere ebitabu, na goetera ase
amagazeti Y'electroniki, na amarube a kera E
chuma nagosira Matayo 28:19-20.